

ILAY MAHA-ANDRIAMANITRA

VOAZAVA

 Misaotra anao, Rahalahy Carlson. Ary miarahaba anareo rahalahy sy anabavy rehetra ao amin'ny Tompo. Izany dia... Izaho indraindray dia toa ohatry ny miahatra ny handroso, rehefa mihaino ireo fijoroana vavolombelona mahafinaritra aho, sy ny sisa, tahaka ny nataoko aninkeo maraina. Ary, avy eo, sakaiza mpiray firenena iray ao anatin'ny fahoriania sy fanenjehana, toy izay nolalovan'ny rahalahy sy anabavintsika Batista; raha fahiny dia—dia Batista anankiray, ny tenako, Misionera Batista iray, ary—ary mahafantatra hoe inona ny dikan'izany rehefa ny olonareo...

² Nanana zavatra toy izany aho. Ny oloko manokana nandà ahy, ary nieritreritra izy ireo fa handroaka ahy izy ireo satria lasa adala aho. Ary nahita aho, ary nahazatra ahy ny niteny an'izany ao anaty karazana fomba mihodina kely, “Raha adala aho, avelao aho hipetraka tsara, satria faly kokoa aho amin'izao nohon'ny tamin'izaho niaraka tamin'ny tena fisainako.” Koa izany no karazana filozofia kely izay ananako, ahy manokana. Ary—ary izaho dia nifaly tokoa tamin’io—io fotoana naha-tahaka izany io.

³ Ary ilay rahalahy kelin’ny Fianganon’i Kristy eto, koa satria mahazatra antsika ny miantso azy, na Campbellite. Ary tsaroako izy ireo tena mpamely mafy tokoa nanohitra an’ireo favoriana rehefa nanomboka isika tamin’ny voalohany. Nefa, fantatrareo, nanana anankiray isika nantsoina hoe Paoly indray mandeha nitovy tamin’izany, ary lasa iray amintsika izy. Koa, marina izany. Mieritreritra aho fa ny tadiavin’izy ireo dia ilay fiainana izay iainanareo. Fantatrareo, tsaratsara kokoa ny mampiaina ahy toriteny iray noho ny mitory amiko anankiray, isan’andro.

⁴ Indray mandeha fahiny, mpitoky teny malaza iray, lehilahy tsaran’ny Filazantsara feno; ny rehetra—ny rehetra aminareo dia mahafantatra azy, heveriko. Dia i Rev. Booth-Clibborn; mitory ny Filazantsara amin’ny fiteny fito samihafa. Mahay fotsiny izy. Ary izaho... Be saina izy. Ary nandeha niaraka izahay indray mandeha, ka izy sy Rahalahy Moore ary izaho, ary nidinika zavatra anankiray izahay. Ary nanana lafiny nifanohitra taminy aho, ka njery ahy manodidina izy. Hoy izy hoe, “Tsy mahafantatra fotsiny ny Baibolinao ianao.” Fantatrao hoe ahoana no ahafahan’i Rahalahy Booth miteny an’izany.

⁵ Hoy aho hoe, “Marina izany, Rahalahy Booth, nefo izaho mahafantatra tsara an'ilay tena Mpanoratra.” Koa, koa

izaho—izaho mila...Fantatrao, tsy ny mahafantatra hoe ny Teniny dia Fiainana, fa, “ny mahafantatra Azy hoe Fiainana.” Marina izany. Hitanareo? Raha mahafantatra ny Teniny aho; raha mahafantatra Azy fotsiny aho! Ary izany tokoa no Fahamarinana.

⁶ Izaho dia, aninkeo maraina, nifandray tānana tamin’io firaisansa tsara io teto, an’ireo mpitoriteny. Ary nipetraka teto dia nisy an’io...Tsy milaza aho hoe manao ny rehetra ho madera. Fa niditra io lehilahy mainty hoditra io, rahalahy, nipetraka teo. Ary nilaza tamin’ny mpitan-tsoratro eto aho, “Izany no tena Kristiana.”

⁷ Mampahatsiahy ahy matetika ianareo ny amin’i Elder Smith izay Fianganan’Andriamanitra ao amin’i Kristy anankiray taloha, mino aho. Izaho taloha dia nitory matetika ho azy ireo tany, ary—ary mbola mahita azy fotsiny aho. Izy dia zavatra tahaka an’ilay rahalahy eto, fa nanana karazana volombava volon-davenona fotsiny izy. Niditra tao amin’ny varavarana aoriana aho, ary tsy adinoko mihitsy ny fiteny nitenenan’ilay lehilahy antitra taloha; niandranda, ary ny masina rehetra nihira, fantatrareo. Ary nisy zazavavy kely nipetraka teo amin’ny zoron-dàlana taloha. Ary ny hira tiako indrindra dia *Asandrato Izy*. Ary izy rehetra dia nitehaka ny tānan’izy ireo, fomba fanao pentekotista, fantatrareo, *Asandrato Izy*. Tian’izy ireo aho, ary izaho tia azy ireo. Ary izahay rehefa niditra...Izy dia zatra nipetraka teo, miaraka amin’ny lohany tahaka *izao*, teo ambony latabatra, ary nandinika azy ireo fotsiny, fantatrareo. Hoy izy hoe, “Midira, ry zoky. Ampialao sasatra ny satrokareo. Ampialao sasatra ny satrokareo.”

⁸ Rahalahy eto; ary azoko, avy teo, fa iray amin’ireo mpihira Filazantsara tiako indrindra no vadiny. Ary nanao an’izay safeli-teny rehetra izay azoko natao aho, hahazoako azy hihira. Ary, avy eo, nangataka izy mba tsy antsoina, ary fantattro ny dikan’izany. Fa izaho dia handeha hanasa azy manokana, raha afaka izy, ho tonga any sy hihira.

⁹ Eny, tsy ianao ve ilay anabavy izay nihira—nihira an’izao, *Ohe ry Sambo*, indray maraina tao amin’ilay Christian Business Men, ankehitriny? [Hoy ilay anabavy hoe, “Eny, tompoko. Eny.”—Mpand.] Manantena aho fa ho avy amin’ity herinandro ity ny vadiko, ary tiako izy handre anao, satria nandoka be loatra aho. Ary raha tsy mahatratra an’izany ao amin’ny horonam-peo ianareo, dia ho alaminay izany. Tiako izany fihirana tsara izany.

¹⁰ Ary, nilaza tamin’ny olona aho taloha, izaho—izaho tsy mba nahay nihira mihitsy. Oh, oadray, izaho dia an-tapitrisany maily miala amin’izany. Fa hoy aho hoe, “Raha mba tonga any An-danitra ianareo ka mipetraka ao amin’ny lapanareo lehibe, fantatrareo, Any ambony any,” hoy aho hoe, “midina any amin’ny faran’ny havoana, ao ambadiky ny ala anankiray

any, dia misy trano bongo kely mipetraka any. Ho ny ahy izany. Ary anankiray amin'ireo maraina rehefa mivoaka eo andavarangana ianareo ka mandre olona mitsangana eo, mihira, ‘Fahasoavana mahagaga! feo mamy toy ny inona, namonjy mahantra anankiray tahaka ahy!’ Hoy ianareo hoe, ‘Deraina Andriamanitra! Vitan’ny Rahalahy Branham antitra ihany ilay izy ny farany.’’ Izaho izany henoina any izany, miezaka mba hihira.

¹¹ Ho an’ny rahalahiko Kristiana, ary ho... Mino aho fa rahalahy anankiray no nampahafantatra azy tamintsika, izao maraina izao, tahaka ny mpitoriteny Bouddha, eto. Miarahaba anao, ry sakaizako sarobidy. Ary nanana fifaneraserana betsaka aho, tsy betsaka loatra, fa niaraka tamin’ny vahoaka Bouddha; ary indrindra tany Canada, teo anivon’ny vahoaka Sinoa, ary nahita azy ireo tena tia sy tsara.

¹² Tsaroako lehilahy Bouddha kely anankiray avy amin’ny tempoly Bouddha, tonga tao amin’ny fivorian’ny Winnipeg, ary jamba izy. Tena vitsy, vahoaka kely tsara, ary izy ireo dia nino tokoa fa Andriamanitra no ilay mpanasitrana. Ary raha teo am-pivavahana ho azy, dia naveriny foana, toy ny inona no nitiavany an’Andriamanitra, ary teo no eo dia nahiratra ny masonry, tao amin’ny... Ary izany dia toy ny—ny zavatra mahafinaritra anankiray. Koa, isika—isika dia mankasitraka ny lehilahy tsirairay sy ny olona tsirairay.

¹³ Ankehitriny, izaho dia tsy nanana an’izany fanararaotra izany taloha, taty Chicago, mba hiezaka hiteny... Izay, izaho dia tsy hiezaka hitondra hafatra anankiray, noho ireo mpitoriteny eto izay mahay betsaka kokoa noho izaho, mitondra hafatra anankiray. Fa, ary na izany aza, tsy eto ianareo mba handre hafatra iray. Nefa nieritreritra aho fa ity dia mety ho fotoana lehibe anankiray izay hahafahako mihaona amin’ireo mpitoritenin’ny Chicago, ity faritra eto ity, ary hahalalana kokoa azy ireo, ary mba hifankahalala kokoa isika tsirairay. Ary misaotra ny Tompo tokoa aho amin’ity fanararaotra ity. Satria, niditra matetika teto amin’ity tanàna ity aho, teo ambanin’ny fanohanana’ny fiangonana anankiray, sy teo ambanin’ny fanohanana’ny Christian Business Men; noho izany, tsy nisy fanararaotra iray mba nanehoana ny tenako tamin’ny fikambanan’ireo rahalahy.

¹⁴ Ary—ary nieritreritra aho avy eo, fa betsaka ny manaraka foana asam-panompoana anankiray tahaka izao, ny atiny sy ivelany, ary ny ambony sy ambany, hany ka indraindray dia mora ho an’ny olona anankiray ny misintona fiheverana ratsy. Ary tiako ny haka an’izao minitra vitsy manaraka izao mba hiezaka hanazava ary—ary hanao an’izany ho mazava ho an’ny rahalahiko, arak’izay mazava indrindra fantatro hanaovana an’izany.

¹⁵ Ary izaho—izaho dia tsy mahefa ary tsy mahavita hanao re—resaka anankiray izay angamba mety hisy dikany ho an'ireo olona izay nianatra. Tsy manana fampianarana aho, ary izany no tsy ampy amiko. Fa izaho dia . . . tia ny Tompo. Ary ny Tompo no nanome ahy, angamba, fomba hafa ahazoana fanahy, amin'ny alàlan'ny fanomezam-pahasoavana avy amin'Andriamanitra, mba mety hameno ny banga amin'izay tsy afaka nomen'ireo ray aman-dreniko ahy, fampianarana iray. Avy amin'ny tokantrano an'ny fianakaviana mahantra iray, sy ankizy folo, ary ray marary anankiray, ary tsy nanana anjara hahazo fampianarana aho. Koa noho izany, fa, tamin'ny fahaterahana, dia nisy zavatra nitranga, fahatsapana iray niaraka tamin'Andriamanitra, ho an'ny reniko sy raiko. Ary namaky ny tantarako ianareo. Ary, tamin'ny alàlan'izany, miezaka aho mametraka ny anjarako, miaraka aminareo rahalahy, mba hisintona mpanota ho an'ny Kristy. Ary ankehitriny izaho . . .

¹⁶ Tsy minomino foana aho. Fa izaho isan'andro, alohan'ny hanokatra ny Teny, dia tiako ny miresaka amin'ilay Mpatoratra kely fotsiny. Ary afaka manondrika ny lohantsika indray isika mandritra ny fotoana fohy.

¹⁷ Rainay sarobidy, Ianao no Andriamanitray, ary manatona Anao izahay amin'ny anaran'ny Filazantsara. Eto anatrehan'ireo Zanakao aho, ireo Pasiteranao, ary rahalahin'ny finoana sarobidy tahaka izao. Ary toy ny inona no hampientanan'izany ny foko mandre an'ireo lehilahy tsy azo tsara, ary nalefa tany amin'ny trano fitsaboana, nohon'ny Fanjakan'Andriamanitra; mahita hoe ahoana no Iantsoanao an'ireo Zanakao amin'ny andro farany.

¹⁸ Ary mino marina izahay, Ray, fa miaina ao amin'ny faran'ny fihazakazahana izahay. Tahaka ny nolazain'ny mpaminany hoe, "Hisy Hazavana amin'ny andro hariva." Ary mino ankehitriny fa izahay no mpitondra an'io Hazavan'ny Filazantsara lehibe io, amin'ny alàlan'ny Fahasoavanao, dia Navelanao izahay hitondra hatrany amparan'ny tany, izay nandehanan'izany fifohazana izany.

¹⁹ Ary mivavaka aho, Ray, fa, avy amin'ny foko, fa Ianao no hamela ahy haneho amin'ireo rahalahiko, izao maraina izao, ny antony sy ny tanjon'ny fiainako ho Anao, mba ho azon'izy ireo. Ekeo izany, mba hanananay fitiavana tanteraka, sy firaisansa, ary fiaraha-miasa, ao amin'ny asan'ny Filazantsara rehetra. Fa mangataka izany amin'ny Anaran'i Jesosy izahay, Izay nivavaka mba ho iray izahay, tahaka Azy sy ny Rainy izay Iray. Mino izany, fa, "Izao no hamantaran'ny olona rehetra fa Mpianatro ianareo, raha manam-pitiavana ianareo, samy ianareo." Amena.

²⁰ Ankehitriny fotsiny . . . Ary manantena aho ary mahatoky fa tsy manorsory anareo rahalahy sy anabavy aho, amin'izany. Fa heveriko fa tiako ny hanao ny tenako hazava, mba tsy

hihainoanareo izay lazain'ny olon-kafa. Ary nanazava aho, fotoana maro, tao amin'ny fivorian'ny mpitoriteny hafa, fa izao no fotoako voalohany ho an'ny vondrona Chicago, ary tiako ny hanao ny tenako tena fantatra tsara, amin'izay ezahako hataeo.

²¹ Ao amin'ny Filazantsara tranaainy voatahy eto, ny toko faha-26 ao amin'ny Bokin'ny Asa, no vakiantsika.

Ary amin'izany, O ry Agripa mpanjaka, dia tsy nandà ny fahitana avy any an-danitra aho:

²² Izany dia, mazava ho azy, Paoly no miteny. Izay, isika rehetra, amin'ny maha-mpitoriteny, dia tia hanahaka azy, satria izy... Isika, ao amin'ny saina iray, dia mino fa izy no apostoly ho an'ny fiangonana Jentilisa, fa nantsoin'Andriamanitra izy ho va—vavolombelona anankiray ho an'ny Jentilisa. Ary ny asampanompoana dia lasa nametrahama-panontaniana.

²³ Ary mazàna, zavatra anankiray izay tsy fahita no miseho, dia lasa ametrahama-panontaniana izany. Izany dia, ary heveriko fa izany dia tsy misy afa-tsy ny marina; tsy maintsy hametrahama-panontaniana izany. Ary heveriko fa ny pasitera indraindray dia miahiahy ny—ny zavatra izay ren'izy ireo, ary heveriko fa manana zo hanao an'izany izy ireo. Satria, raha azoko ny fandikana ny teny hoe *pasitera*, dia midika hoe “*mpiandry*.” Ary, noho izany, izy no—no—no mpamahana anankiray, na mpiambina anankiray, an'ny vondron-dehilahy sy vehivavy izay ny Fanahy Masina no nanao azy ho mpanara-maso an'izany. Ary manana zo izy hahafantatra hoe karazana sakafo inona no azon'ny ondriny, ary avy aiza izany. Heveriko fa manana zo amin'izany izy.

²⁴ Ary raha pasitera anankiray, na olona indraindray, no toy ny niahiahy kely fotsiny, izany dia tsy, mihitsy, tsy hanelingelina an'iza na iza. Tokony hitondra fanajana fotsiny amin'ny fon'ny olona izany, ho an'ny olon'izy ireo, izay mitsangana, ka hanontany an'izany. Ary, na izany aza, raha tsy azonareo antoka fa voalahatra tsara ianareo, ahoana no mba ahafahanareo mandeha amin'ny alàlan'ny finoana?

²⁵ Raha mametraka ao an-tsainareo ianareo... Ankehitriny, io dia tahaka ny fahalalana momba ny saina; izay angamba mety ho izany, ary izany io, fa marina izany. Fa ianareo fotsiny marina, avy ao amin'ny fonareo, no mieritreritra fa tsy ho tafatsangana intsony eo amin'ny latabatra ianareo, angamba dia tsy ho tafatsangana ianareo. Hitanareo? Ianareo tokony... Tsotra fotsiny izany.

²⁶ Tokony hino ianareo. Tokony hanana finoana ianareo. Tokony hanana fitokiana ianareo. Ary ahoana no ahafahanareo hanana fitokiana amin'ny zavatra anankiray izay ianareo—izay ianareo aza tsy mahafantatra akory izay alehanareo? Ahoana no ahafahako mandeha amin'ny lâlana iray izay tsy mbola nalehako mihitsy taloha, amin'ny hafainganam-pandeha tafahoatra, ary

ny manodidina rehetra dia fiolahan-dàlana, tsy mahafantatra izay afenin'ilay fiolahan-dàlana manaraka? Ianareo dia tokony hahita izay alehanareo, raha tsy izany dia tsy ho fantatrareo hoe ahoana no izorana. Ary izany ny fomba tokony hahaizy ny olona tsirairay. Ary avy eo rehefa afaka ianareo, hitanareo izany, voambara taminareo izany, ary fantatrareo izay alehanareo, amin'izay fotoana izay dia tsy misy na inona na inona hampijanona anareo.

²⁷ Ary izany no, heveriko, i Paoly, hoe inona no niezahany mba ho azon'i Agripa eto. Fa, izy-izy dia niteny tamin'izy ireo hoe, "Fahiny aho dia isanareo."

²⁸ Ary atako fa, angamba, raha—raha io rahalahy Batista io, no afaka nankany amin'ny fiangonana Batista izao maraina izao, izy sy ny vadiny, dia izao no mety ho fijoroan'izy ireo vavolombelona. "Izaho—izaho fahiny dia isanareo."

²⁹ Na, ny Fianganan'i Kristy, na ny—ny rahalahy Campbellite eto, handeha ho any—ho any amin'ny olony. Mino aho fa anarana tsara no niantsoana azy; Mpianatr'i Kristy, izany no iantsoan'izy ireo an'ilay izy, nefo ilay izy dia tena ho an'ny fampianaran'i Alexander Campbell. Ary avy eo ny Fianganan'i Kristy dia niala avy tao aminareo, noho ny mozika. Marina izany, sa tsy izany? Ary raha afaka niverina tany amin'izy ireo izy, dia hiteny izy hoe, "Fahiny aho dia isanareo."

³⁰ Ary Paoly dia miverina eo amin'i Agripa Mpanjaka eto, sy Festosy, ary nanao hoe, "Fahiny aho dia isanareo. Izaho ilay Fariseon'ny Fariseo." Nipoitra avy teo ambanin'i Gamaliela izy, ilay mpampianatra lehibe, ary izy dia nahafantatra ny fitsipik'izy ireo rehetra sy ny fitsipi-pitondrana, sy izay ninoan'izy ireo fotsiny ary izay tsy ninoan'izy ireo. Ary hoy izy, "Na dia nanenjika ny Fianganan'Andriamanitra ho faty aza aho." Hitanareo? Hoy izy hoe, "Ilay tena zavatra izay mahatafiditra ahy, dia izaho no mpanenjika azy."

³¹ Ary izaho dia nieritreritra foana fa ny fahafatesan'i Stefana dia tsy maintsy teo ambonin'i Paoly, satria rehefa nahita an'io fijery be voninahitra teo amin'ny endriky Stefana io izy. Rehefa niandrandra izy, ary ny vato namely azy ho faty, ary hoy izy hoe, "Mahita an'i Jesosy mitsangana eo an-tànana ankavan'an'Andriamanitra aho." Ary fantatrareo, afaka mamono iraka anankiray ianareo, fa tsy afaka mamono ny hafany mihitys ianareo. Izany no Fahamarinana. Ary ilay hafatra, na dia lasa aza i Stefana nitsangana niaraka tamin'i Jesosy, kanefa, ny hafany dia naharitra, satria i Paoly dia nanoxy nilaza ny momba an'izany, ary, inona, izy no "kely indrindra" tamin'izy ireo, ary tsy mendrika ny nantsoina ho isany, satria izy dia nanatri-maso ary—ary manome ny fankatoavany mba hamonoana io olona masina io.

³² Ary noho izany, Paoly, tahaka ny hataon'ny olona rehetra eo anoloan'ny olona, Paoly dia mandray ny—ny fahatsapany, indray, hatrany amin'ny fiandohana, izay naha-izy azy; ary avy eo dia mamestraka an'izany ka manorina an'izany eo amin'ny Soratra, mba hampiseho fa izay nataony dia ara-tSoratra. Na dia nifanohitra tamin'ny finoan'izy ireo aza izany, dia mbola nasehony azy ireo fa izany no Soratra.

³³ Noho izany, heveriko fa isika...Na inona na inona, araka ny nolazaiko matetika, ry rahalahy, ianareo izay tato amin'ny fivoriana, fa, raha mba hita miteny zavatra izay tsy arat-Soratra aho, amin'izay fotoana izay dia mieritreritra aho hoe marina fa...na rahalahy hafa, dia tokony hifanantona isika ka hanao hoe, “Tsy hita ao anatin'ny Baiboly izany,” hitanareo. Raha ao anatin'ny Baiboly izany, dia mety banana fandikana samihafa ianareo; nefo, izany dia, raha ao amin'ny Soratra izany, tena tsara.

³⁴ Ankehitriny, Paoly dia nanome ny fandikany an'izay nolazain'ny mpaminany, sy izay nolazain'i Mosesy, izay nitranga. Ary nihaona tamin'i Jesosy teny an-dàlana izy, tao amin'ny fahitana. Ary io Jesosy io no niantso azy.

³⁵ Izay, tsy tokony ho zavatra sarotra ho an'ireo Jiosy ireo izany, araka ny nolazainy hoe, “Ry Festosy tsara indrindra,” sy—sy ny sisa, fa izany “moa zavatra hafahafa anankiray aminareo ve izany, fa Andriamanitra no nanangana ny maty?” Hitanareo? “Satria raha fantatrareo hoe inona Andriamanitra tany tamin'izany, amin'ny alàlan'ny—ny Soratra, azo antoka fa ho fantatrareo fa Izy dia afaka manangana ny maty.”

³⁶ Ary hoy izy avy eo, nanome azy ireo ny fahatsapana avy teny amin'ny lâlany tany Damaskosy izy, ny amin'ny hoe inona no nitranga, mba, hamela azy ireo hahafantatra fa io Jesosy io izay—izay nanaovan'izy ireo tabataba maro mikasika azy nitory an'Izany, dia ilay tena Andriamanitra izay notompoin'izy ireo hatramin'ny farany. Satria, Izy no tany an-efitra niaraka tamin'izy ireo, Izy nitarika azy ireo, tamin'ny naha-Hazavana azy; ilay Afo, Andry Afo izay nitarika azy ireo. Ary niseho tamin'i Paoly Izy tao amin'ilay zavatra nitovy, ilay Hazavana indray, izay nanajamba azy. Ary nanontany izy, “Iza moa Ianao, Tompo?”

³⁷ Ary hoy Izy hoe, “Izaho no Jesosy, izay henjehinao. Ary sarotra ny nanipaka an'ilay fanindronana.”

³⁸ Ary niezaka ny hanazava tamin'izy ireo izy hoe inona izany, ary—ary izy dia niezaka ny hampianatra azy ireo an'izany, hoe izay nasehony tamin'ny olona, izany dia, izany, “Jesosy Kristy no Mesia, ary dia maty Izy, fa Andriamanitra nanangana Azy.” Ary izany dia araka ny Soratra. “Ary dia nakarina any amin'ny Avo Izy ankehitriny, ho any amin'Andriamanitra ilay Ray,” ary dia—dia izy no vavolombelona ny amin'ny Fitsanganany. Ary, dia, ireo

fahagagana, sy famantarana, ary zava-mahagaga, izay hafahafa teo anoloan'ny olona, dia tsy zava-baovao ho an'ny mpino, tena izy ara-tSoratra, satria ny Baiboly no niteny an'izany.

³⁹ Jereo indray ao amin'ireo mpaminany, ahoana no naminaniana an'izany, inona, amin'ny fihavian'i Mesia, ary inona no Hataony, "Hitsambikina tahaka ny diera ny mandringa," ao amin'ny Isaia 35 sy Soratra samihafa izay nahafahany nanondro an'izany. Tsy manana an'izany voasoratra eto isika, fa angamba hiverina sy hanondro an'izany ao anatin'ny fiteny fohy manoloana an'ireo mpanjaka; satria, izy ireo angamba dia tena tsy nanam-paharetana niaraka taminy tahaka anareo miaraka amiko. Koa, ary avy eo izy—izy dia nanazava an'izany, ary niezaka ny hiteny tamin'izy ireo fa ilay tena Andriamanitra izay notompoin'izy ireo . . .

⁴⁰ Ary avy eo, indray, hoy izy hoe, "Ao amin'ny fomba izay niantsoana an'izany ho sekta," izany hoe, "fahadalana," hitanareo. "Ny fomba izay niantsoana an'izany ho sekta, dia izany no fomba izay hanompoako an'ilay Andriamanitra izay tomppoinareo." Hitonareo, "Ao amin'ny fomba izay niantsoana an'izany ho sekta."

⁴¹ Azoko antoka fa, amin'izao fotoana izao, raha nijoro teo amin'ny fiangonana trrainainy izay nisy antsika isika, toy ny Presbyterana, Katolika, Batista, ary ireo hafa sasany, dia afaka hilaza fanambarana mitovy amin'izany amin'ireo olona izay milaza fa tian'izy ireo, ohatra, ny hametraka ny rahalahy ao amin'ny efiranon'ny marary saina, na zavatra tahaka an'izany. "Ao amin'ny fomba izay niantsoana an'izany ho sekta, izany no fomba hanompoako an'ilay Andriamaniry ny razantsika."

⁴² Ary fanambarana lehibe toy ny inona izany teo anoloan'i Agripa, teo anivon'ny fitenenany mihitsy aza, niantsoantso Agripa, ary nanao hoe, "Ry Paoly, ry Saoly, ianao dia saiky handresy lahatra ahy ho Kristiana." Hitonareo, ahoana, nitondra ny Soratra tena mazava izy, kanefa dia nifanohitra tamin'ny synagogany manokana. Fa ny Soratra dia nazava tanteraka, hany ka hoy izy hoe, "Ianao dia saiky handresy lahatra ahy ho tahaka anao."

⁴³ Hoy i Paoly, "Maniry anao ho izany aho, izany tokoa, tsy tiako fotsiny ianao ao anatin'ireto fatotra izay misy ahy ireto, hitanareo," fa mba ho mpino anankiray tahaka azy. Amin'ny teny hafa, raha izaho . . . "Maniry amin'Andriamanitra aho mba ahitanao ny fanambarana tahaka—tahaka ny ahitako an'ilay izy." Amin'ny teny hafa, "Izaho—izaho dia maniry anao hahavita an'izany." Hitonareo? "Maniry anao fotsiny aho mba hanaovanao."

⁴⁴ Rehefa, i Festosy, mino aho, no nilaza taminy fa izy dia "nianatra be loatra," izy dia "voakorontana tao an-dohany." Fa

nampahafantariny azy fa izy—izy dia tsy izany; fa izy—izy dia nahafantatra hoe taiza no nisy azy.

⁴⁵ Ary hilaza an’ity aho, izao maraina izao, ry rahalahy. Maniry tokoa aho fa izaho dia mety... Tsy mampitaha ny fiainan’i Paoly, fa mba hanome foto-pitenenana kely fotsiny. Satria, misy maro eto angamba no hiteny izao maraina izao, saingy tiako ity fanararaotra ity no hitenenana an’izao. Ankehitriny dia maniry aho mba ny fiangonana tsirairay samihafa, araka ny nandrenesako anareo nanonona azy, Bethel Temple, Mahaleotena, Assemblée de Dieu, sy ny maro hafa... Maniry aho mba hahafahanareo rehetra mahita izay hitako; mba ho hahafahanareo. Maniry aho mba hahafahanareo mahita ny fahitana izay hitako, amin’izay fotoana izay dia hanana fahalalana mazava kokoa ianareo, ny amin’ny asa-panompoana.

⁴⁶ Rehefa nandao ny fiangonana Batista aho, mba hiditra tao amin’ny pentekosta; ary Dr. Roy E. Davis, izay nanendry ahy tao amin’ny fiangonana Missionary Baptist, no niteny tamiko fa nanofy ratsy aho, rehefa tonga ny fahitana avy tamin’ny Tompo ary—ary niresaka tamiko. Ary—ary fantatrareeo hoe fanasitranana inona no tamin’izany, tao amin’ny farany ambany izany.

⁴⁷ Ary—ary tsy nahalala na inona na inona momba ny Pentekotista aho. Nandre aho fa izy ireo dia andian’ny holy-rollers izay nitsikasina tamin’ny tany ary nirara-kivy tahaka ny alika romotra, ka tsy maintsy nokopakopahany izy ireo ary namerina azy ireo ho velona, ary ny rehetra tahaka izany. Izany ihany no fantattro mikasika ny olona Pentekotista.

Hoy izy hoe, “Iza no heverinao hihaino anao?”

⁴⁸ Hoy aho hoe, “Raha Andriamanitra no maniraka ahy, dia misy ny toerana sy olona izay Anirahany ahy.” Marina izany. Hitanareo? Satria, hoy aho hoe, “Dr. Davis,” hoy aho hoe, “tena misy fotsiny Izy; nijoro aho ary nijery Azy,” hoy aho. Niteny tamiko izy ireo fa ireo fahitana...

⁴⁹ Izaho dia mpino lehibe anankiray, ry rahalahy, fa—fa ny fanomezam-pahasoavana sy ny fiantsoana dia tsy misy fanenenana. Izaho—izaho dia mino an’izany. Teraka ianareo, tsy mety ho zavatra hafa ankoatra anareo ianareo. Ary na oviana na oviana no hiezahanareo hanao ny tenanareo ho zavatra izay tsy ianareo, dia milalao fotsiny ny anjaran’ny mpihatsaravelatsihy anankiray ianareo. Ary Andriamanitra anie hamela ahy ho faty mialohan’ny hahatonga ahy ho mpihatsaravelatsihy anankiray, hitanareo. Aoka fotsiny aho ho izaho, ary avy eo dia hanao an’ilay izy ho tsotra sy mazava. Ary—ary, noho izany, avelao—avelao aho ho toy izany, ary amin’izay fotoana izay dia ny rehetra no mahafantatra. Amin’izay fotoana izay dia mahafantatra marina fotsiny ianareo.

⁵⁰ Ary koa ankehitriny, araka ny fantatrareo, dia tsy nahazo fianarana betsaka aho, araka ny nolazaiko. Koa ao amin'ny . . . ao amin'ny teolojia, izaho no mahantra indrindra misy. Ary ataoko fa fantatrareo izany, hitanareo. Ary amin'ny maha-mpitoriteny, dia sarotra ho ahy aza ny miantsy ny tenako ho isany, noho ny tsy fahazoana fianarana sy ny fahalalana teny, sy ny sisa. Fa izay kely hananako, mba . . . araka ny fahalalan'ny fahafantarako, noho ny Fahasoavany, ny Tompo Jesosy, dia miezaka aho mba hizara an'izany amin'ireo rahalahiko eny rehetra eny, mba hizara an'izao.

⁵¹ Ary, fa, rehefa nandao ny fiangonana Batista aho; izay hany fiangonana mba nidiirako, na voatendry. Ary voatendry aho tamin'ny 1933, tao amin'ny fiangonana Missionary Baptist, Jeffersonville, Indiana. Izany dia—dia . . . izany dia mpikamban'ny Southern Baptist Convention. Noho izany izahay, tamin'io fotoana io, izaho . . . rehefa nivoaka aho ary . . .

⁵² Ankehitriny, ny fiangonana Batista dia fiangonana masimandidy anankiray. Isika—isika rehetra dia mahafantatra an'izany, fa izany dia—izany dia . . . Ianareo dia afaka mitory momba ny zavatra anankiray izay tianareo, raha hankasitrahany fiangonanareo ilay izy. Izy ireo fotsiny . . . Mitory izay rehetra irinareo ianareo.

⁵³ Ary tiako izany, hitanareo, satria mino aho fa apostolika izany. Satria, ny loha, ny loha ambony indrindra ao amin'ny fiangonana, dia ny mpiandry, isika mahalala tsara an'izany, ny pasitera. Ary—ary raha ny—ny . . . Raha eveka anankiray na olona hafa no hanala ny fanambarana amin'ilay pasitera, amin'izay fotoana izay dia ahoana no mba hiasan'ilay Andriamanitra ao amin'ny fiangonany? Hitanareo, tsy afaka maka an'izany fotsiny ianareo. Koa, ary izaho manana . . .

⁵⁴ Ary rehefa niala avy tao aho, dia nihaona tamin'ireo antoko voalohany, izay ny fahasitranan'i Betty Daugherty kely, tany St. Louis, Missouri. Ary Pentekotista Mitambatra anankiray izy io, na fiangonana Pentekotistan'ny Anaran'i Jesosy, ary io pasitera io dia anisany, ary ny zananivavy kely dia sitrana. Am-pahatsorana, izaho dia nieritreritra fa izay nanao azy ho pentekotista, dia satria izay no niantsoan'izy ireo ny tenany hoe, "Jesosy Irery." Ary nieritreritra aho fa izany no nanao azy ireo ho pentekotista, dia satria izay ilay niantsoan'izy ireo ny tenany, ary izay ilay fahasamihafana. Koa, eny, noho izany avy tao aho no nandeha ho . . .

⁵⁵ Ary lehilahy tsara anankiray; dia nanana fivoriana lehibe tao St. Louis, izay asehon'ny sary ao amin'izany. Ary nanana ny Kiel Auditorium izahay; ka ny hariva voalohany, na roa, dia nisy efatra arivo nameno an'izany, ary izahay aza tsy afaka . . . tsy maintsy nametraka polisy nanodidina ny varavarana, mba hanakana azy ireo.

⁵⁶ Ary avy eo tamin'izany, nanohy tao amin'ny Richard T. Reed, an'ny Blessed Old Bible Hour Tabernacle, tao Jonesboro, izay avy amin'ilay rafi-pandaminana mitovy koa. Ary avy amin'izany, tao amin'ny Dr. G. H. Brown, rafi-pandaminana mitovy, tany 505 Victor Street tany Little Rock, Arkansas. Ary, avy tao, nankany amin'ny Morontsiraka Andrefana.

⁵⁷ Ary avy eo rehefa nahazo ny Morontsiraka Andrefana aho, dia nahita an'ilay afo aho. Tamin'izay no nahitako fa nisy fisarahana maro teo anivon'ny vahoaka pentekotista, tao amin'ny rafi-pandaminan'izy ireo, tahaka ny anananay Batista. Hitanareo, izy ireo dia—izy ireo dia fahasamihafana maro loatra, tao dia nanana, izy ireo dia nanana samihafa. Nisy ny Assemblée de Dieu, sy ny Fianganan'Andriamanitra, sy ny zavatra hafa, sy ny zavatra hafa, sy ny zavatra hafa, ary ny—ary ny fahasamihafana. Ary nampisaraka ny tenany izy ireo, ka nanoritra tsipika mampisaraka. Ary ny rahalahy hafa rehetra dia manomboka manatona ahy, ka miteny amiko hoe, “Nahoana, ianao dia Jesosy Irery, miaraka amin’ity antoko eto ity.”

Hoy aho hoe, “Tsia, izaho tsy—izaho tsy miantso ny tenako an’izany.” Hitanareo?

Hoy izy hoe, “Nahoana, ianao no miara-miasa amin’izy ireo.”

⁵⁸ Hoy aho hoe, “Eny, izany—izany dia tsy manao ahy ho izany.” Hitanareo? Ary hoy aho hoe, “Izaho—izaho—izaho fotsiny... Rahalahy izy ireo.”

⁵⁹ Ary hoy izy hoe, “Nahoana, izy ireo dia andian’ny... Nahoana, izy ireo dia tsy manana afa-tsy andiana rantsankazo fitaingenam-borona fotsiny sy ny sisa, manodidina, tahaka an’izany. Aiza...”

⁶⁰ Hoy aho hoe, “Ankehitriny, manao azafady aminao aho. Nihaona tamin’ny lehilahy tena masina aho teo. Ary izy ireo dia lehilahin’Andriamanitra.” Ary hoy aho hoe, “Izaho—izaho dia tezitra tokoa noho ny iantsoana azy ireny hoe ratsy; satria, tsy izany izy ireo.”

⁶¹ Eny, noho izany dia niezaka aho ny nitazona izany fotsiny raha mbola azoko natao foana, tsy misy na fitenenana na fomba. Eny, nanomboka nianatra aho hoe inona ilay hevitr’izy ireo, sy ny hoe inona ilay fisarahen’izy ireo, ary inona no nanao azy ireo hisaraka. Ary hitako fa ny roa amin’ny antoko lehibe, ny anankiray amin’izy ireo, dia nantsoina hoe Jesosy Irery, ary ny anankiray hafa dia nantsoina hoe Assemblée de Dieu. Ary nantsoina nivoaka izy ireo, na nisaraka, noho ny resaka batisan’ny rano; ny anankiray mampiasa “Ray, Zanaka, Fanahy Masina,” ary ny anankiray hafa mampiasa ny Anarana “Jesosy.”

⁶² Eny, njery aho, ary ao amin’ny andaniny roa dia nisy lehilahy malaza, mpanompon’Andriamanitra. Ary nieritreritra aho hoe, “O Andriamanitra, raha mba afaka mahita azy rehetra aho

mivoaka ao amin'ny . . . mandroso fotsiny ary manana . . . fa tsy ny hanoritra ny tsipik'izy ireo fotsiny, ary manao hoe, 'Izahay dia tsy hiray amin'ny hafa.'" Fa hitako, tao amin'izany, fa ilay fanahy ratsy no teo anivon'izy ireo ary niteraka fankahalana sy fo lentika, amin'ny resaka izay tonga eo anivon'izy ireo. Nieritreritra aho, izany tanteraka mihitsy no tsara ilain'ny devoly. Izany fotsiny no ilainy. Raha mbola mikendry ny anankiray hafa foana ny basinareo, dia tsy mila manainga ny fanondrony akory izy. Ary izaho . . .

⁶³ Ary noho izany, farany, tonga teo amin'ny fanehoan-kery anankiray ilay izy. Ary izany fanehoan-kery izany dia tany Seattle, Washington, manodidina ny 1946. Ary indray maraina dia nentina tao amin'ny efitrano fiandrasana an'ilay hotely aho, zavatra tahaka izany, tamin'ny—ny fisakafoana marainan'ny mpitoriteny sasany. Ary tsy maintsy niresaka tamin'ny lehilahy lehibe anankiroa aho.

⁶⁴ Ary ny anankiray tamin'izy ireo dia Dr. Ness. Ataoko fa ianareo rahalahy Assemblée de Dieu dia mahatadidy azy. Izy dia tany amin'ny faritra avaratra-andrefana; lehilahy malaza anankiray, mahay, manam-pahaizana. Ary izy no nisolo tena ny Assemblée de Dieu.

⁶⁵ Ary avy eo, Dr. Scism, avy amin'ny fiangonana Pentekotista Mitambatra. Heveriko fa ianareo rahalahy Pentekotista Mitambatra dia mahatadidy azy. Izy koa dia avy tany amin'ny faritra avaratra-andrefana any, fa izy no ambonin'izy ireo sy ny fizaran-tany any.

⁶⁶ Eny, nihaona ireo lehilahy roa ireo. Ary izaho dia tsy maintsy nentina ho eo anoloan'izy ireo, satria ny—ny lefona dia naranitra, ary nandidy ahy tamin'ny fomba rehetra izany. Ary nieritreritra aho hoe, "Inona no tsy maintsy ataoko? Inona no azoko atao?"

⁶⁷ Ankehitriny, eny, hoy izy ireo, "Eny, tsy maintsy maka ny andaniny ianao miaraka amin'ny anankiray na ny hafa. Raha handeha hiaraka amin'ny Anaran'i Jesosy ianao, dia tokony ho Anaran'i Jesosy ianao. Ary raha mandeha miaraka amin'ny Assemblée de Dieu ianao, dia tokony hiala ao amin'ny Anaran'i Jesosy, ary ho Assemblée de Dieu, na ny sisa." Tonga teo amin'ny toerana iray izay tsy maintsy nanaovako fampisehoana karazany vitsivitsy ilay izy.

⁶⁸ Nivavaka im-betsaka aho tamin'io maraina io talohan'ny nandeha. Hoy aho hoe, "Andriamanitra, ampio aho. Satria, misy lehilahy malaza anankiroa; misy mpanompo an'arivony. Ary Ianao no naniraka ahy eto miaraka amin'ny asapanompoana anankiray. Ary izy roa ireo dia Mpanomponao. Ary tokony handefa fitaomana kely izay ananako ao amin'ny rafi-pandaminana anankiray ve aho nefy ny anankiray miady amin'ny iray hafa?" Hitanareo? "Izaho—izaho dia tsy mahatsapa fotsiny ho marina raha manao an'izany. Izaho dia tsy

mieritreritra fa izany no ho sitrapon'i Kristy ho ahy hanaovana an'ilay izy." Ary hoy aho hoe, "Andriamanitra, ampio aho ary omeo zavatra hatao aho, na omeo zavatra mba ho lazaina aho."

⁶⁹ Ary tamin'izany dia tsy nanana an'iza na iza aho. Tsy maintsy nijoro teo fotsiny aho, ny Tompo Jesosy sy izaho fotsiny, tamin'io maraina io.

⁷⁰ Eny, tonga ilay ady hevitra lehibe. "Inona no hataonao? Inona—inona—inona no fanapahan-kevitra ho raisinao?"

⁷¹ Hoy aho hoe, "Efa voaray ny fanapahan-kevitro. Fa, ny fanapahan-kevitro, dia ny mijoro eo anelanelanareo roa, ary tsy hikambana mihitsy amin'ny rafi-pandaminana; ary nanao hoe, miaraka amin'ny sandriko manodidina anareo roa, 'Mpirahalahy isika.'" Hitanareo? Hitanareo, mpirahalahy isika. Hitanareo? Ary hoy aho hoe, "Niezaka ny namaky ny boky rehetra izay azoko natao aho, ahoana no nahatongavan'izao, inona no niantsoana an'izao 'resaka vaovao' izao, sy toy ny ahoana no nisarahan'izy ireo tamin'ny tenany, ary toy ny ahoana no nanombohan'io anankiray io tamin'ity fomba ity sy itsy fomba itsy." Ary hoy aho hoe, "Ao amin'ny ady hevitra eo aminareo," hoy aho hoe, "izany dia zavatra nitovy izay nandrava ny hetsika pentekotista, tamin'ny andro...taorian'ny Pentekosta. Izy ireo dia manomboka miady hevitra eo anivon'ny anankiray hafa." Ary hoy aho hoe, "Mampisaraka indray ilay zavatra."

⁷² Hoy aho hoe, "Misy fahafaha-manao anankiray ve izay hisian'ny mpanelanelana eo aminareo, ianareo rahalahy? Misy zavatra anankiray ve izay—izay afaka hijoro?"

⁷³ Eny, izy ireo dia tsy nanokatra ny vavan'izy ireo tamin'izany, satria tena naranitra izany. Fantatrareo, teo amin'ny dimy ambin'ny folo, roapolo taona lasa izay, ahoana izany, satria ilay antoko anankiray dia voatosika avy tamin'ny anankiray, ary dia nisy fifandirana maro tokoa.

⁷⁴ Koa hoy aho hoe, "Eny, ry rahalahy, indro izao no handeha hataoko. Izaho dia handeha... Andriamanitra tsy naniraka ahy hanao batisa mihitsy, na ahoana na ahoana. Naniraka ahy Izy mba hivavaka ho an'ireo Zanany marary." Hoy aho hoe, "Koa, izaho dia handeha hi—hivavaka ho an'ireo zanaka marary, ary ianareo mpitoriteny manaova ny batisanareo manokana," hoy aho.

⁷⁵ Hoy aho hoe, "Ankehitriny te-hanontany zavatra aminareo aho, mba hahazoanareo fotsiny." Hoy aho hoe, "Rahalahy Ness, ireo vahoakan'ny Anaran'i Jesosy ireo, mino ve ianao fa nandrav ny Fanahy Masina izy ireo rehefa miteny amin'ny fiteny tsy fantatra izy ireo ary manao zavatra mitovy amin'izay ataonareo ao amin'ny Assemblée de Dieu?"

Hoy izy, "Izany tokoa."

⁷⁶ Hoy aho hoe, “Rahalahy Scism, mino ve ianao fa ny Assemblée de Dieu dia manana ny Fanahy Masina rehefa miteny amin’ny fiteny tsy fantatra izy ireo ary manao zavatra mitovy amin’izay nataonareo teo amin’ny batisa?”

Hoy izy hoe, “Azo antoka, mino aho.”

⁷⁷ Hoy aho hoe, “Ankehitriny, ny Baiboly dia nilaza, ‘Andriamanitra dia manome ny Fanahy Masina an’ireo izay mankato Azy.’ Ankehitriny, iza no nankato Azy? Iza no nankato Azy? Iza taminareo no nankato Azy? Ary nomen’Andriamanitra anareo roa ny Fanahy Masina, hitanareo.”

⁷⁸ Hoy aho hoe, “Hiteny ve ianao, Rahalahy Scism, fa i Rahalahy Ness dia tsy manana ny Fanahy Masina?”

Hoy izy, “Tsia.”

⁷⁹ Hoy aho hoe, “Hiteny ve ianao fa i Rahalahy Scism dia tsy manana ny Fanahy Masina?”

⁸⁰ “Tsia.” Hitanareo? Fa, izy roa ireo dia samy nino fa nanana ny Fanahy Masina.

⁸¹ Nefa, hitanareo, tsy misy dikany ilay izy, ry rahalahy. Tsy misy dikany ilay izy. Ary nandre aho, taorianana kelin’izany . . .

Hiverina amin’ny lohahevitra aho ao anatin’ny iray minitra.

⁸² Ny rahalahy Finlandais eto, taorian’ny nandaozako an’ny Finlande; izay nanomezan’Andriamanitra anay, izay noeritreretiko, anankiray tamin’ny fivoranay lehibe indrindra. Tany no nisy an’ilay zazalahy kely, maty ka nitsangana, ary zavatra maro. Izaho dia nihaona tao Stockholm, Suède, tamin’i Lewi Pethrus avy amin’ny fiangonana Filadelfia tany izay lehilahy malazan’Andriamanitra, sy ny fiangonana Filadelfia. Rahalahy Gordon Lindsay, izay ankehitriny dia . . . Heveriko. Tsy mihevitra aho fa an’izany izy ankehitriny, fa an’ny Assemblée de Dieu izy taloha.

⁸³ Ary ny Assemblée de Dieu dia anankiray amin’ireo mpanohana ahy lehibe, eran-tany. Ary ny Foursquare, izay niala avy amin’ny Assemblée de Dieu, dia anankiray amin’ny mpanohana ahy lehibe. Ny an’ny Tokana, eran-tany, dia anankiray amin’ireo mpanohana ahy lehibe. Hitanareo? Ary naka fotsiny an’izany toerana izany aho, namela fotsiny ny lefona maranitra, ary dia naka toerana anankiray, fa izaho dia tsy haka toerana na andaniny amin’izany fifamaliana izany. Mandra-pahitantsika fa isika dia mpirahalahy, ka tonga miaraka, ary amin’izay fotoana izay isika dia—isika rehetra dia hahita an’izany foto-kevitra mivantana mitovy izany, izay ahatongavantsika, ny antony sy ny tanjona amin’ny fanaovana an’izany.

⁸⁴ Ary ianareo—ianareo dia tokony hitsapa ny antony sy ny tanjonareo, aloha. Voalohany, tadiavo ny sitrapon’Andriamanitra; ary avy eo tadiavo ny tanjonareo;

ary avy eo tsapao ireo antonareo ary jereo raha marina ireo antonareo. Noho izany, araka ny nolazain'i Jesosy ao amin'ny Marka 11:24 hoe, "Raha miteny amin'io tendrombohitra io ianareo, 'mifindrà,' ary tsy misalasala ao am-ponareo." Fa raha mbola manana fisalasalana ao am-ponareo foana ianareo, na sitrapon'Andriamanitra izany, na ireo antony na ny tanjonareo no diso, ahoana no hifindran'izany? Fa rehefa fantatrareo fa marina ireo antonareo, ary izany no sitrapon'Andriamanitra, ary marina ny tanjonareo, dia hifindra izany. Izay ihany, raha tsy izany dia nilaza zavatra diso Andriamanitra.

⁸⁵ Izany no tena antony, rehefa mankeo amin'ny lampihazo aho, ao amin'ny fiangonana, dia tsy misy na iza na iza nandre ahy mihitsy nilaza an'ireo zavatra ireo teny ambonin'ny lampihazo, ireo resaka ireo. Avelako hipetraka tsara fotsiny izy ireo. Hitanareo, izany dia miankina amin'ny, ianareo ry lehilahy. Hitanareo? Eto aho mba hanampy anareo hahazo fanahy ho an'i Kristy, amin'ny alàlan'ny fanomezam-pahasoavana avy amin'Andriamanitra, hitanareo. Hitanareo? Tsy misy fahasamihafana izany... Ataovinareo ny batisanareo. Fa avy eo izany rehefa tonga...

⁸⁶ Mazava ho azy, nantsoina tamin'ny zavatra rehetra aho. Nantsoina aho, tsy fantatro hoe firy, na aiza na aiza avy amin'ny—ny "zanak'Andriamanitra miditra ao anatin'ny nofo" hatrany amin'ny—ny "devoly." Marina izany, ny zavatra rehetra. Nefa, any amin'ny faran'izany rehetra izany, rahalahinareo aho, sakaiza mpiray firenena an'ny Fanjakan'Andriamanitra; miasa miaraka aminareo rehetra, ho an'ny Fanjakana. Ary marina izany.

⁸⁷ Ankehitriny izaho dia, raha marina izany, ary mieritreritra ianareo fa manana fotoana ampy isika, dia tiako ny hiteny aminareo hoe ahoana no andininhantsika an'izany. Mety ve izany, ry rahalahy, iray minitra fotsiny? [Hoy ny mpitoriteny hoe, "Tohizo. Azo antoka."—Mpand.] Rahalahy, Rahalahy Ness sy ny hafa... Eny àry. Ary mety ho zavatra kely izay hanampy anareo izany. Hanampy anareo izany mba hahazoanareo, karazany vitsivitsy.

⁸⁸ Nanoratra aho, eto, sasany amin'ireo zavatra izay tадidiko. Niainga avy tamin'ity. Ary noho izany dia nanontany ahy izy ireo hoe, inona no ninoako mikasika ny "trinite," nino ve aho fa nisy ny "trinite" an'Andriamanitra?

⁸⁹ Ankehitriny, ry rahalahy, rehefa manatona an'ity isika, manantena aho fa, rehefa tapitra ity, dia ho mpirahalahy isika tahaka ny naха-izy antsika hatramin'izay. Hitanareo? Nefa tsapako fa anananareo an'izany aho, satria ny olonareo dia tonga ao amin'ny favoriako, ary tsy tiako tokoa ny handefa ny anankiray amin'izy ireo, voafitaka.

⁹⁰ Ary izaho dia niteny foana ny olona izay manoratra fanontaniana amiko, ivelan'izay toriako eto ambonin'ny lampihazo... Ary eto ny mpitan-tsoratro, sy ny sisa. Raha mamestraka fanontaniana amiko izy ireo hoe, "Ahoana ny mikasika an'ity, na ahoana ny mikasika an'itsy?"

⁹¹ Hoy aho hoe, "Anontario ny pasiteranareo, hitanareo. Satria, raha nitarika anareo hatreto izy, mandrapandraisانareo ny Fanahy Masina, dia hampandroso anareo izy, hitanareo. Ianareo, hitanareo, anontanianareo ny pasiteranareo." Satria, zavatra kely tahaka an'izany no miteraka fифанжеона, ary noho izany dia miala lavitra an'izany aho, hitanareo.

⁹² Ankehitriny, ary nolazaina tamiko fa izaho dia mpi—mpiady amin'ny rafi-pandaminana. Ankehitriny, tsy izany aho. Izaho dia mieritreritra fa mahafinaritra ny rafi-pandaminana, saingy rehefa ny rafitry ny rafi-pandaminareo no manao marimaritra iraisana, dia izany no toheriko. Hitanareo? Tsy mampaninona na an'ny tokana izany, na—na ny trinite izany, na inona izany na inona, ilay rafitra; fa rehefa maka toerana voafaritra anankiray ianareo, ianareo ankehitriny...ka manao hoe, "Izahay dia Assemblée de Dieu."

"Eny, iza io miampita ny làlana io?"

⁹³ "Oh, rahalahinay io. Izy ireo dia—izy ireo dia nantsoina hoe Pentekotista Mitambatra."

"Eny, iza ilay ery?"

⁹⁴ "Oh, ny rahalahy Foursquare io. Oh, izahay dia rahalahy mahafinaritra. Manana firaisana lehibe izahay, ny anankiray miaraka amin'ny hafa."

"Oh, ianareo rehetra ve mino zavatra mitovy?" "Oh, eny, mino izahay."

"Ankehitriny, eny, inona no manao anareo an'izao fomba izao?"

⁹⁵ "Eny, ireto rahalahy ireto manao batisa an'ity fomba ity. Ary ireto manao batisa an'ity fomba ity, nihodina taminay. Ary ireto manao batisa..."

⁹⁶ Tahaka ny tany Afrika Atsimo tany, ry rahalahy, nahita an'izany izahay. Nanontany ahy izy ireo. Vondrona anankiray nanao batisa intelo, mankaty aloha. Ary ilay iray hafa nanao batisa intelo, mankaty aoriania. Ary hoy izy ireo... Hoy aho hoe, "Taiza no nahazoanareo an'izany?"

⁹⁷ Ny anankiray nanao hoe, "Rehefa maty Izy, ny Baiboly no nilaza fa nasitrika nankaty aloha Izy," ary hoy izy, "noho izany dia tsy maintsy manitrika azy ireo mankaty aloha izahay."

⁹⁸ Ary hoy aho hoe, "Eny," tamin'ilay vondrona hafa, "inona no... Ahoana ny aminareo?"

Hoy izy, “Efa mba nandevina olona miankohoka ve ianareo?”

⁹⁹ Eny, ary mba fantatrateo moa? Nampisaraka ny tenany izy ireo ary nanao vondrona anankiroa, rafi-pandaminana anankiroa. Oh, mifona, ry rahalahy! Izany mihitsy no ilain’ny devoly. Izany mihitsy no ilainy. Hia. Aoka ny tenanareo...

¹⁰⁰ Ankehitriny, hitanareo, tsy izany ny Apostolic Faith Mission, na-na tsy izany mihitsy koa aza Pentecostal Assemblies, tary ambadika tary. Tsy izany ilay izy. Nisy lehilahy tsara tamin’ireo vondrona anankiroa, tahaka ny misy eto. Saingy, hitanareo, izany no rafitr’ilay zavatra.

¹⁰¹ Tahaka ny Katolika mihitsy izany, araka ny nolazaiko matetika. Raha Katolika anankiray izy, ka miankina amin’i Kristy ho famonjena, dia voavonjy izy. Izany tokoa, marina izany. Raha miankina amin’ilay fiangonana izy, dia very izy. Ary ny tsirairay aminareo rahalahy pentekotista dia mahafantatra, fa raha miantehitra amin’ny fiangonana Pentekotista isika hamonyj antsika, “isika no, eo anivon’ny olona, mahanttra indrindra,” marina izany, satria very isika. Marina izany.

¹⁰² Fa raha miantehitra amin’i Jesosy Kristy isika, amin’izay fotoana izay dia voavonjy isika, “noho ny finoanao,” (izany, inona?) asa vita anankiray. Ary ireo zavatra kely ampiasaina ireo, sy ireo marika, tsy manao fahasamihafana betsaka izany.

¹⁰³ Ankehitriny, hoy aho tamin’ny Rahalahy Scism, tamin’ny... sy Rahalahy Ness hoe, “Hamaliana ny fanontanianareo,” hoy aho hoe, “ankehitriny, tsy haka toerana amin’ny andaniny rehetra miaraka aminareo rahalahy aho. Ary fantattro, raha mbola mifamaly foana ianareo, dia samy diso ianareo roa. Hitanareo? Satria, aleoko aho diso ao amin’ny fampianarako, nefo marina ao am-poko, toy izay marina ao amin’ny fampianarako, nefo diso ao am-poko.” Hitanareo? Hoy aho hoe, “Na izany aza, dia ny toetry ny fonareo izany.”

¹⁰⁴ Ary izany no nataoko fanao, mba hahafantarana an’izao: fa, raha ny olona anankiray, tsy mampaninona izay ataony, sy hoe samihafa toy ny inona izy, ary izay lazainy mikasika ahy; raha ao am-poko, tsy avy amin’ny adidy fotsiny, fa avy amin’ny foko no tsy afahako hitia an’io olona io tahaka ny hitiavako anankiray hafa, amin’izay fotoana izay dia fantattro fa misy zavatra ratsy ato, hitanareo. Marina izany, satria, izany dia—izany... tsy mampaninona raha izy...

¹⁰⁵ Tonga ny rahalahy kely anankiray, vao tsy ela, rahalahy kely anankiray an’ny Fianganan’i Kristy. Ary, oh, nijoro teo izy, ary hoy izy hoe, “Ity tovolahy ity dia devoly.” Hitanareo? Hoy izy hoe, “Milaza ny amin’ny Fanahy Masina izy.” Hoy izy hoe, “Tsy misy izany zavatra izany. Izy ireo, eny, ny apostoly roa ambin’ny folo ihany no nahazo ny Fanahy Masina. Ary—ary ny fanasitranana avy amin’Andriamanitra dia nomena ho an’ireo

apostoly roa ambin'ny folo ireo ihany.” Dia nanohy, teo amin’ny antsasak’adiny teo.

¹⁰⁶ Dia hoy aho hoe, “Vetivety fotsiny, rahalahy. Heveriko fa tsy maintsy manome ahy anjara hiarovana an’Izany ianao, hitanao.” Hoy aho hoe, “Nilaza ianao fa ianao dia niteny rehefa niteny ny Baiboly, ary nangina rehefa nangina Izany.”

Ary hoy izy hoe, “Izany no ataontsika.”

¹⁰⁷ Hoy aho hoe, “Ankehitriny, ianao no nilaza fa ny apostoly roa ambin’ny folo ihany no nahazo ny Fanahy Masina. Hoy ny Baiboly hoe, ‘Nisy roapolo amby zato tao amin’ny efitra ambony rehefa nilatsaka ny Fanahy Masina, vehivavy sy ny rehetra.’ Ary azonao tenenina amiko ve, mihevitra ve ianao fa tsy nanana ny Fanahy Masina i Paoly? Ary nahazo an’Izany izy fotoana ela taty aorian’izany, hitanao. Ary hoy ianao hoe, ‘Ny fanomezam-pahasoavana manasitrana dia nomena an’ny apostoly roa ambin’ny folo irery ihany.’ Fa i Stefana nandeha, andro vitsy taty aoriana, ary izy dia tsy iray amin’ireo roa ambin’ny folo. Tsy mpitoriteny anankiray akory aza izy. Diakona anankiray izy, ary nandeha nankany Samaria ka nandroaka devoly.” Ary hoy aho hoe, “Oh, ry rahalahy!” Tena mangina mihitsy izany eto, hia, eo amin’izay tokony hanaovanao an’izany.

¹⁰⁸ Ary rehefa nifarana izany, “Fa,” hoy aho hoe, “Mamela anao aho amin’ny iantsoanao ahy ho devoly, satria fantatro fa tsy ianao no te-hanao an’izany.”

¹⁰⁹ Ary avy eo rehefa namarana izy, dia niakatra izy. Hoy izy hoe, “Zavatra anankiray ihany no azoko lazaina. Manana ny Fanahin’i Kristy ianao.”

¹¹⁰ Hoy aho hoe, “Ankehitriny, ry rahalahy, iza aho, devoly sa avy amin’i Kristy?” Hitanareo? Hitanareo?

¹¹¹ Fa lazaiko aminareo, hitanareo, satria lehilahy anankiray io, afaka niteny izy fa tia azy aho; tsy mampaninona, tsy nanaiky izy, ary tsy nanaiky fatratra ary namelively. Izy . . .

¹¹² Mpihaza aho, ary miaraka amin’ireo bibi-dia, nandrity ny fiainako. Ary hoy ny olona hoe, “Ahoana . . .” Tamin’ilay fotoana izay namonoako an’ilay bera, tamin’ny antsy anankiray, hitanareo. Hoy izy, “Tsy natahotra azy ve ianao?”

¹¹³ Hoy aho hoe, “Tsia. Raha natahotra azy aho, dia izy no hamono ahy, hitanareo.”

¹¹⁴ Fa, hitanareo, ianareo tsy afaka—ianareo tsy afaka mihambo amin’izy ireny. Fantatr’izy ireo na matahotra azy ireo ianareo, na tsia. Raha matahora soavaly anankiray ianareo, dia jereo izay hataon’ny soavaly, hitsahiny ianareo. Hitanareo? Koa raha matahotra ianareo . . . Tsy afaka mihambo an’izany ianareo. Tsy maintsy tena manana an’ilay izy ianareo.

Ary izany no fomba miaraka amin’i Satana.

¹¹⁵ Izany no fomba eo anivon'ny olona. Tsy maintsy tia olona ianareo. Tsy afaka mihambo an'izany fotsiny ianareo. Tsy maintsy manana an'ilay izy ianareo, raha tsy izany dia hiseho ny lokonareo atsy ho atsy, hitanareo. Marina izany. Tsy maintsy tena tia ny olona ianareo, ary fantatr'izy ireo fa tia azy ireo ianareo. Hitanareo, misy zavatra mikasika an'izany.

¹¹⁶ Ary ilay lehilahy ankehitriny, dia niantso ny vadiko, andro vitsy lasa izay, ary nanao hoe, “Ao ve Rahalahy Branham?”

Hoy izy, “Tsia.”

¹¹⁷ Hoy izy, “Eny, zavatra anankiray no ho lazaiko. Tsy nanaiky azy aho, tao amin’ny teolojia, saingy milaza aho fa mpanompon’i Kristy izy.”

¹¹⁸ Eny, avy eo, ary avy eo talohan’ny nialako, dia nandefa taratasy tamiko izy, ary hoy izy hoe, “Ho avy aho, vantany vao miverina ianao. Mila an’io batisan’ny Fanahy Masina io aho izay noresahiniao.”

¹¹⁹ Koa, hitanareo, raha nanana fotsiny ianareo... Raha nanana an'izany fihetseham-po izany aho, ny hilaza hoe, “Nahoana, tsy misy dikany ianareo. Ny anaram-piangananareo tranainity dia tsy tsara, ary—ary ianareo olon’ny Fianganon’i Kristy dia tsy tsara. Tsy tsara ianareo. Ianareo dia—ianareo dia devoly.” Tsy ho azoko mihitsy io lehilahy io. Ary raha niteny taminy aho fa tia azy aho, ka tsy nanao an'izany tao am-poko, dia ho nahafantatra misimisy kokoa izy. Izay ihany ny amin’izany. Tsy maintsy manao an'ilay izy ao amin’ny fonareo ianareo.

¹²⁰ Ary izany ireo hariva izay handrosoako eo amin’ny lampihazo ireo, eo ambanin’ilay famantaranana, hitanareo. Tsy mieritreritra an'ilay izy aho. Tsy misakafo fotsiny aho, ny fotoan’ny sakafo hariva; ary mifady hanina sy mivavaka, ary mijanona ao amin’ny efitra. Satria, Izzy no nampanantena fa hanao an'izany Izzy. Ary noho izany dia mandeha aho tsy misy aloky ny fisalasalana anankiray, satria Izzy no nampanantena fa hanao an'izany Izzy. Noho izany, hitanareo, ny...Fantatro fa ny antoko dia (inona?), ny tanjoko dia (inona?), ho an’ny fandrosoan’ny Fanjakan’Andriamanitra.

¹²¹ Raha ny olona anankiray no mandeha amin’ity lèlana ity, itsy lèlana itsy, na inona fiangonana handehanany; raha mbola tonga eo amin’i Kristy foana izy, tsy mampaninona ahy izany. Ary ao amin’ny foko izany. Hitanareo? Ary tsy mampaninona, raha mandeha isika ka mikambana amin’ny Fianganon’i Kristy, tena tsara mihitsy izany. Mahafinaritra izany. Raha izy... Fianganana inona no hikambanany, tsy mampaninona ahy izany. Fa raha mbola azoko foana ny fanahiny hiaraka amin’i Kristy, dia izay ilay zava-dehibe.

¹²² Koa hoy aho hoe, “Rahalahy Ness, tsy ny ho samihafa...” Ankehitriny aho dia handeha ho... Mety ve ny hampiasana an’ity, ry rahalahy? [Hoy ilay rahalahy hoe, “Azo

antoka."—Mpand.] Hoy aho hoe, "Tiako ny hilaza sy hanazava." Ary, ao amin'ity, dia afaka miteny aminareo rahalahy eto aho. Ankehitriny, aza lazaina eo anivon'ny fiangonanareo ity. Raha sitrakareo, ary miangavy anareo aho, fotsiny—fotsiny—fotsiny avelao fotsiny aho ho rahalahinareo. Hitanareo? Ary izaho, ary raha—raha diso aho, dia mamelà ahy ianareo. Fa te-hanazava aminareo aho, amin'ny maha-misy an'ireo vondrona mipetraka eto ireo izao maraina izao, ireo an'ny Tokana sy ny—ny Assemblées, ihany koa, ary ny finoana triniterana.

¹²³ Ankehitriny te-hanao an'ity fanambarana ity aho. Te-hilaza aho fa izaho dia mino fa ny andaniny roa dia diso, raha mbola mifamaly amin'ny hafa foana izy ireo, satria ny anton'izy ireo dia diso. Ary raha mbola diso foana ny antonareo; tsy mampaninona izay tanjonareo, fa ireo antonareo ho amin'io tanjona io no diso, amin'izay fotoana izay dia tsy handeha mihitsy izany. Marina izany.

¹²⁴ Ankehitriny, ny olona sasany nanao hoe, "Rahalahy Branham, ianao dia Jesosy Irery." Tiako ny milaza fa fahadisoana anankiray izany. Tsy Jesosy Irery aho.

¹²⁵ Misy olona manao hoe, "Rahalahy Branham, triniterana ve ianao?" Tsia, tompoko. Tsy triniterana aho. Kristiana aho. Hitanareo? Izaho—izaho—izaho tsy... Ny teny hoe triniterana dia tsy mba voalaza akory aza ao amin'ny Baiboly, ny teny "trinite." Ary izaho dia tsy mino fa misy Andriamanitra olona telo.

¹²⁶ Izaho dia mino fa misy Andriamanitra tokana ao amin'ny asa telo; Ray, Zanaka, Fanahy Masina. Izany tanteraka no antony nanirahina antsika hanao batisa amin'ny Anaran'ny Ray, Zanaka, Fanahy Masina. Mino aho fa izany no Andriamanitra nietry, midina ambany.

¹²⁷ Ankehitriny, Andriamanitra, rehefa niseho voalohany tamin'ny olona Izy, dia tao amin'ny endrika Andry Afo anankiray Izy. Mino an'izany ianareo, sa tsy izany? Ny... Ny mpamaky ny Baiboly rehetra dia mahafantatra fa ilay Andry Afo izay tany an-efitra dia ny Logos, fa izany ilay Anjelin'ny Fanekena, izay Kristy.

¹²⁸ Satria, Izy no nilaza... Izy dia... Izany dia tsy... Mino aho fa izany dia ny Masindahy Jaona 6 teo, hoy Izy hoe, "Talohan'ny nisian' i Abrahama," ny amin'ny "IZAHO NO IZY." Izy ilay "IZAHO NO IZY."

¹²⁹ Koa, Andriamanitra izany, masina; raha ny olona anankiray aza no nikasika an'ilay tendrombohitra, dia tsy maintsy novonoina izy, hitanareo. Eny àry. Ankehitriny, io Andriamanitra io ihany no niezaka niasa tamin'ny Tenany indray tao amin'ny Famoronany izay Noforoniny. Ankehitriny, tsy afaka tonga nanakaiky an'izy ireo Izy, satria mpanota izy

ireo, ary ny ran'osilahy sy ny ondry tsy hahafaka mihitsy ny ota. Fantatsika izany. Nanarona ny ota fotsiny izany.

¹³⁰ Ankehitriny, fa tamin'izany io Andriamanitra io ihany izay ilay Andry Afo, Izy no tonga nofo, tamin'ny alàlan'ny Zanany, ary nonina tao amin'ny vatana anankiray nantsoina hoe Tompo Jesosy Kristy. Hoy ny Baiboly hoe, “Ao Aminy no itoeran'ny fahafenoana ara-batan'ny Maha-Andriamanitra.” Ary Jesosy no nilaza ao amin’ny... Eny, ao amin’ny Timoty Voalohany 3:16, “Iaraha-manaiky, fa lehibe ny zava-miafina ny amin’ny toe-panahy araka an’Andriamanitra.” Ary raha afaka niantso an’izany ho lehibe izy ireo, nahoana, inona no hataontsika, hitanareo? “Lehibe ny zava-miafin’Andriamanitra, fa Andriamanitra dia naseho teo amin’ny nofo, sy hitan’ny anjely, ary nakarina ho any amin’ny Voninahitra,” sy ny sisa. Ankehitriny, ary hoy Izy ao amin’ny Masindahy Jaona 14, tamin’i Tomasy hoe, “Raha nahita Ahy ianao, dia nahita ny Ray. Ary nahoana ianao no manao hoe, ‘Aseho ay ny Ray?’” Ny Baiboly no nilaza, fa, “Andriamanitra dia tao amin’i Kristy, nampihavana an’izao tontolo izao tamin’ny Tenany.”

¹³¹ Ankehitriny, tsy mety ho olona telo Andriamanitra, Andriamanitra telo. Jesosy mihitsy koa dia tsy afaka ny ho Rainy Manokana, ao amin’ny anankiray. Hitanareo? Koa, hitanareo, izany no manao an’ireo ho diso hatrany am-potony.

¹³² Ankehitriny, ary ankehitriny raha voamarikareo fotsiny, tsy misy toerana... Raha nanana Andriamanitra telo isika, dia mpanompo sampy isika. Ankehitriny, fantatsika izany.

¹³³ Tahaka ny nolazain’ny Jiosy anankiray tamiko indray mandeha, rehefa niresaka taminy aho, hoy izy, “Iza amin’ireo no Andriamanitrareo? Iza amin’ireo no Andriamanitrareo; ilay Ray, ilay Zanaka, sa ilay Fanahy Masina? Iza amin’ireo ny anareo?”

Dia hoy aho hoe, “Nahoana, tsy misy Andriamanitra telo.”

¹³⁴ Hoy izy hoe, “Ianareo tsy afaka manapaka—manapaka an’Andriamanitra ho tapany telo ka hanome Azy ho an’ny Jiosy anankiray.”

Hoy aho hoe, “Tsia, tompoko.” Hoy aho...

¹³⁵ Rehefa sitrana tamin’ny fahajambana i John Rhyn, tany Fort Wayne, fantatrareo; ary io raby io teto Mishawa-...na tao Fort... Benton Harbor. Hoy izy hoe, “Tsy afaka manapaka an’Andriamanitra ho tapany telo ianareo ka hanome Azy ho an’ny Jiosy anankiray.”

¹³⁶ Hoy aho hoe, “Tsia tokoa. Tsy afaka aho.” Hoy aho hoe, “Raby, ho sarotra ho anao ve ny hino an’ireo mpaminany?”

Hoy izy hoe, “Tsia.”

¹³⁷ Hoy aho hoe, “Ao amin’ny Isaia 9:6, iza no resahiny, ‘Zaza no teraka ho antsika, Zazalahy no nomena, antsoina hoe Mpanolotsaina, Andriamanitra Mahery, Andrian’ny Fiadanana?’”

Hoy izy hoe, “Ny Mesia izany.”

Hoy aho hoe, “Noho izany, raby, inona no hifandraisany Mesia amin’Andriamanitra?”

Hoy izy hoe, “Ho Andriamanitra Izy.”

¹³⁸ “Izany ilay noeritreretiko.” Hitanareo? Ankehitriny, hitanareo, tena marina tanteraka izany. Izany Izy. Ary dia hoy aho hoe, “Lazao ahy ankehitriny hoe taiza Jesosy no diso tamin’ny fanatanterahana marina an’izay nolazain’ny mpaminany fa Hataony.” Ary nanomboka nitomany izy ary nihodinkodina. Hoy aho hoe, “Tamin’ny alàlan’Izany, no nahazoan’i John Rhyn ny fahitany.” Hitanareo?

Ary hoy izy hoe, “Lavitra an’Andriamanitra ny hanana zanaka anankiray!”

¹³⁹ Hoy aho hoe, “Ilay Jehovah lehibe no nanaloka vehivavy anankiray, araka ny nolazain’ny mpaminany fa Hataony, ary namorona selan-dRà anankiray. Ary tamin’ny alàlan’io selan-dRà io no nivoahan’ny vatan’i Kristy.”

¹⁴⁰ “Jereo, ao amin’ny Testamenta Taloha, Raby,” hoy aho hoe, “rehefa nandeha nanao fanatitra anankiray ny lehilahy iray, dia naka zanak’ondry anankiray izy. Fantany fa nandika ny didin’Andriamanitra izy, koa naka zanak’ondry anankiray izy. Niaiky ny fahotany izy, ary novonoina io zanak’ondry io. Rehefa ny... teo ambonin’ilay zanak’ondry ireo tànany; ny fiaikeny fa fantany fa ho faty noho ny fahotany izy, saingy ilay zanak’ondry no naka ny toerany. Ary tapaka ilay selan-drà; ary tazonimy amin’ny tànany ilay zanak’ondry kely mandra-pahatsapany fa lasa ny aina kelin’io, ka mihinjitra. Avy eo ilay mpisorona, mazava ho azy, no manipy an’ilay rà eo amin’ny—eo amin’ny afo, ilay alitara varahin’ny fitsarana.”

¹⁴¹ Noho izany dia hoy aho hoe, “Io lehilahy io, amin’izay fotoana izay, dia mivoaka avy ao izy, mahafantatra fa io zanak’ondry io no naka ny toerany, saingy nivoaka izy miaraka amin’ilay faniriany ihany izay nananany tamin’izy niditra, hitanareo, satria tsy afaka nanala ny fahotana ilay izy. Hitanareo? Fa, amin’izay fotoana izay, amin’ity fisehom-javatra ity, ‘Ilay mpivavaka vantany vao voadio, dia tsy manana fahatsiarovana ny ota intsony.’ Teo, dia nisy fanatitra atao isan-taona. Fa,” hoy aho hoe, “ankehiriny misy an’ity indray mandeha ity, ‘ilay mpivavaka vantany vao voadio, dia tsy manana fahatsiarovana ny ota intsony.’ Satria...”

¹⁴² “Jereo, Raby. Ao amin’ny hemoglobina, io aina kely izay manomboka ao amin’ilay sela io, izay avy amin’ny lahy izany, mankao amin’ny vavy. Ary mamokatra atody anankiray izy; saingy, tsy afaka mikotrika atody anankiray ny akohovavy, raha tsy niaraka tamin’ny vorona lahy izy, dia tsy ho foy mihitsy ilay izy.”

¹⁴³ Dia hoy aho hoe, “Noho izany Andriamanitra, ilay lehibe indrindra izay nameno ny fotoana rehetra sy ny habakabaka, no lasa tsimoka kely anankiray tao an-kibon’ny vehivavy anankiray.” Ary dia hoy aho hoe, “Rehefa novonjena isika androany . . . Jesosy dia sady tsy Jiosy no tsy Jentilisa, satria ny atody irery ihany no namokatra an’ilay nofo. Ny Rà no nanana ny Aina. Koa isika—isika dia . . . Hoy ny Baiboly hoe, ‘Isika dia novonjena tamin’ny Ràn’Andriamanitra.’ Hitanareo, Izzy dia sady tsy Jiosy no tsy Jentilisa; Andriamanitra Izzy. Noho izany, rehefa tonga eo amin’ny alitara isika ka mametraka ny tànantsika, amin’ny finoana, eo ambonin’ny Lohany, ka mahatsapa an’ilay faharovitana sy fidradradadrana teo Kalvary, ka miaiky ny fahotantsika, fa diso isika, dia maty teo amin’ny toerantsika Izzy!”

¹⁴⁴ “Avy eo, hitanareo,” hoy aho hoe, “ilay ràn’io zanak’ondry io dia tsy afaka niverina teo ambonin’io, ilay rà izay . . . Nopotehina ilay sela, ary ilay aina izay nalefa, tamin’ny fanapotehana an’io selan-dràn’ilay zanak’ondry io, dia tsy afaka hiverina eo ambonin’ilay mpivavaka, satria aim-biby ilay izy, ary tsy afaka hilay amin’ny ain’olombelona izany.”

¹⁴⁵ “Fa amin’izao fotoana izao, rehefa nopotehina ilay selan-dRà, tsy lehilahy anankiray fotsiny ihany izany. Ain’Andriamanitra Izany, izay navotsotra. Ary rehefa mametraka ny tànany ireo mpivavaka, amin’ny finoana, eo ambonin’ilay Zanak’Andriamanitra, ary miaiky ny fahotany; tsy ny ain’ny lehilahy hafa anankiray, fa ny Ain’Andriamanitra no miverina ao amin’io olona io, dia ny Fiainana Mandrakizay izany. Ny teny hoe Zoe, dia nadika hoe, ‘Ain’Andriamanitra Manokana.’ Ary Izzy no nilaza fa hanome antsika ny Zoe Izzy, Fiainana Mandrakizay, ary ankehitriny dia zanakalahy sy zanakavavin’Andriamanitra isika. Eo ianareo izao.”

¹⁴⁶ Hoy aho hoe, “Ankehitriny inona izany? Andriamanitra izany, nietry. Tonga Izzy, tamin’ny voalohany; ‘tsy nisy olona afaka nikasika Azy,’ satria nanota ny olona. Avy eo nidina Izzy tao amin’ny vatana anankiray, ‘mba hanandrana ny ota . . . haka ny ota.’ Hitanareo, Izzy, ny zavatra tokana azon’Andriamanitra natao, mba ho marina, dia ny nanao an’ilay izy tamin’izany fomba izany.”

¹⁴⁷ Ohatra, ahoana moa raha nanana fahefana mitsara an’ity mpanatrika ity aho izao maraina izao, tahaka ny nananan’Andriamanitra teo amin’ny taranak’olombelona, ka hoy aho hoe, “Ny olona voalohany izay mijery an’itsy andry itsy, dia maty,” ka mijery an’ilay izy i Tommy Hicks? Ankehitriny, ohatra, alaiko i Carl . . . “Rahalahy Carlson, matesa ho azy ianao.” Tsy ho marina izany. Hilaza aho hoe, “Leo, ianao no mpitan-tsoratro; matesa ho azy ianao.” Tsy ho marina izany. “Billy Paul, ry zanako, matesa ho azy ianao.” Tsy marina izany.

Ny fomba tokana hahafahako ho marina, dia ny tenako no maka ny toerany.

¹⁴⁸ Ary izany no nataon'Andriamanitra. Izy, Andriamanitra, dia Fanahy anankiray. Ary Izy no namorona...Izy, Izy no nanova ny Andraikiny. Izany dia tsy maintsy handona, ny olona, ny mieritreritra ny Jehovah kely. Afaka ny ho tonga Izy, lehilahy lehibe feno anankiray, saingy tonga tao amin'ny fihinanam-bilona anankiray Izy, teo ambonin'ny antontanjezika anankiray. Jehovah kely, nitomany tahaka ny zazakely anankiray. Jehovah kely, nilalao tahaka ny tovolahy anankiray. Jehovah kely, nandrafitra, tahaka ny mpiasa anankiray. Jehovah kely, tao amin'ny taonan'ny adulantsento. Jehovah, nihantona teo anelanelan'ny lanitra sy ny tany, niaraka tamin'ny roran'ireo mamolava sy rehok'ireo miaramila teo amin'ny Tavany. Jehovah, maty ho an'ireo Zanany. Jehovah, maty, mba hanavotra; tsy olona anankiray hafa, fa Andriamanitra Tenany! Hitanareo, Andriamanitra, izany no Asany. Nahoana? Miezaka Izy ny hiverina ao amin'ny fon'ny olona.

¹⁴⁹ Ankehitriny, tsy afaka nikasika Azy isika, *Teto. Eto*, dia nahatsapa Azy tamin'ny tànantsika isika. Ankehitriny inona no Nataony, tamin'ny alàlan'ilay fanatitr'io vatana io? Lasa Jehovah *ao* amintsika Izy. Isika dia Ampahany. Tamin'ny Andron'ny Pentekosta, dia nampisaratsaraka ny Tenany ilay Andry Afo, ary ny lela Afo dia nipetraka teo ambonin'ny tsirairay, nampiseho fa Andriamanitra no nampisaraka ny Tenany teo anivon'ny Fiangonany.

¹⁵⁰ Noho izany, ry rahalahy, raha mba afaka miaraka isika, ka mitondra an'Izany miaraka! Amin'izay fotoana izay isika dia manana an'i Jehovah ao amin'ny fahafenoana, rehefa tonga miaraka. Fa ahoana no hahafahantsika, rehefa *ity* anankiray *ity* miteny amin'ny fiteny tsy fantatra ary nahazo ny batisa, *ity* anankiray *ity*; ary avy eo mihazona an'*ity* lela Afo *ity* eto, sy *ity* anankiray *ity*? Ndao ataontsika miaraka Izany.

¹⁵¹ Rehefa Andriamanitra, tamin'ny Andron'ny Pentekosta, no nidina, ary hoy ny Baiboly hoe, "Ireo lela Afo dia nipetraka teo ambonin'ny tsirairay tamin'izy ireo." Ary izy ireo... "Lela, tahaka ny Afo," lela. Izany dia ilay Andry Afo nampisaraka ny Tenany sy nizarazaza ny Tenany, teo anivon'ny olona, mba hahatonga antsika ho mpirahalahy. "Amin'izany andro izany dia ho fantatrareo fa Izaho ao amin'ny Ray, ny Ray ato Amiko; Izaho ato Amiko, ary ianareo ato Amiko." Ary, isika, isika dia iray. Isika dia iray, tsy voazarazara.

¹⁵² Ankehitriny, Jehovah Andriamanitra, *Eto* ambony eto, dia tsy afaka nikasika ny taranak'olombelona, noho ny Lalàny Manokana an'ny fahamasinana; lasa ota ho antsika Jehovah Andriamanitra, ary nandoa an'ilay vidiny; mba hahafahan'io Jehovah Andriamanitra io ihany ho tonga ka ho velona *ao*

amintsika. Andriamanitra eo *ambonintsika*; Andriamanitra *miaraka* amintsika; Andriamanitra *ao* amintsika. Tsy Andriamanitra telo; Andriamanitra anankiray! Lasa adala ireo mpampianatra, miezaka mahazo an'Izany. Izany dia—izany dia fanambarana anankiray. Tsy maintsy voambara aminareo ilay izy.

¹⁵³ Ankehitriny, ankehitriny, rehefa tonga eo amin'ny batisa izany, ankehitriny, olona maro... Ankehitriny, tsy maintsy hataonareo izany, ry rahalahy. Raha tsy izany, izany dia tahaka ny nolazaiko tamin'ny Rahalahy Scism sy tamin'ny Rahalahy Ness, fa raha ianareo... Ilay—ilay adi-hevitra dia tonga. Ary ny rehetra, maro aminareo nianatra eto no mahalala betsaka noho izaho; saingy nanao fianarana betsaka aho teo amin'ilay lohahevitra. Ary namaky ny Mopera Pre-Niseana aho, ny Fivoriambe Niseana, ary ireo mpahay tantara rehetra, sy ny sisa.

¹⁵⁴ Io resaka io dia tonga teo amin'ny Fivoriambe Niseana. Ireo lafiny roa ireo dia lasa voa; rehefa naka ny lafiny triniterana faratampony ilay fiangonana Katolika, ary ilay anankiray hafa nankany amin'ny oniterana, ary nivoaka ireo lafiny roa ireo. Marina tanteraka, satria ny olona dia tsy maintsy nanana zavatra natao tao anatin'izany.

¹⁵⁵ Tsy maintsy mamela an'Andriamanitra hanao an'ilay izy ianareo, tsy ilaina isika miezaka mahazo an'ilay izy. Aoka isika ho mpirahalahy. Ndao isika hanohy ary hamela an'Andriamanitra hanao an'ilay zavatra izay Hataony. Raha tsy manam-pahataperana Izy ary mahafantatra ny zavatra rehetra, ka nilaza mialoha ny farany hatrany amin'ny fiandohana, ahoana no hahafahantsika manao zavatra mikasika an'izany? Manohiza mandroso fotsiny. Izany ilay fomba. Tazony ny famindrana, tahaka an'izay nolazaiko omaly hariva, miaraka amin'ilay Josoa lehibe antsika.

¹⁵⁶ Ankehitriny jereo, raha misy Andriamanitra telo... Tiako aseho anareo fotsiny hoe mahatsikaiky toy ny inona izy ity. Raha misy Andriamanitra telo, amin'izay fotoana izay dia Jesosy no Rainy Ma-... Jesosy dia tsy afaka ny ho Rainy Manokana, raha anankiray. Ary, raha misy telo, dia tsy teraka tamin'ny fahaterahana ara-virijiny Izy. Ankehitriny firy... [Manao sary Rahalahy Branham, mampiasa zavatra telo—Mpand.] Hilaza aho hoe *ity* Andriamanitra ilay Ray; ary *ity* Andriamanitra ilay Zanaka; ary *ity* Andriamanitra ilay Fanahy Masina.

¹⁵⁷ Ankehitriny, ho anareo rahalahy samihafa eto ireo, dinihonareo iray minitra fotsiny ity dia jereonareo izay ezahako aseho. Mivavaka aho mba hamelan'Andriamanitra anareo hahita an'ilay izy. Ankehitriny, jereo, ianareo roa dia mino an'ilay zavatra mitovy, fa ny devoly no niditra teo anelanelanareo ka nampisaraka anareo mikasika an'ilay izy. Zavatra tena mitovy tanteraka ilay izy, ary hoporofoiko aminareo izany, amin'ny

alàlan’ny fanampian’Andriamanitra, ary miaraka amin’ny Baibolin’Andriamanitra. Raha tsy ny Baiboly izany, dia aza mandray an’izany. Marina izany.

¹⁵⁸ Fa jereo ankehitriny. [Manao sary Rahalahy Branham, mampiasa zavatra telo—Mpand.] *Ity dia (inona?) Andriamanitra ilay Ray; ity dia Andriamanitra ilay Zanaka; ity dia Andriamanitra ilay Fanahy Masina. Eny, ankehitriny, ndao isika hijanona iray minitra fotsiny, mametraka an’ireo telo ireo eo; Andriamanitra ilay Ray, Zanaka, ary Fanahy Masina.*

¹⁵⁹ Oh, izaho—izaho dia tsy hanana fotoana hanaovana an’izao. Izaho... [Hoy ireo rahalahy hoe, “Alefaso! Alefaso!”—Mpand.] Fa, hitanareo, eny, halaky aho tena haingana arak’izay azoko atao. Mamelà ahy, ry rahalahiko, fa izaho—izaho—izaho tsy mbola niresaka taminareo mihitsy, ary izaho—izaho te-hanao an’izao.

¹⁶⁰ Ary noho izany, jereo; Andriamanitra ilay Ray, ilay Zanaka, ilay Fanahy Masina. Ankehitriny, Iza no Rain’i Jesosy Kristy? Andriamanitra no Rain’i Jesosy Kristy. Isika rehetra dia mino an’izany. Tsy marina ve izany? [Hoy ny fiangonana hoe, “Amena.”—Mpand.] Eny àry.

¹⁶¹ Ankehitriny, rehefa mandray ny Matio 28:19 isika, rehefa hoy Jesosy hoe, “Mandehana, ampiarano ny firenena rehetra, manao batisa azy amin’ny Anaran’ny Ray, Zanaka, Fanahy Masina.” Folo andro taty aoriana, hoy Petera hoe, “Mibebaha, ary aoka hatao batisa amin’ny Anaran’i Tompo Jesosy Kristy.” Misy fifanoherana marina any ho any. Ankehitriny, ndao isika tsy hanao... misy ny...

¹⁶² Nanambara ny rehetra, sy ny sisa. Ity izy ity. Ity ny finoako, ary mameletra azy eo anoloanareo fotsiny aho, ry rahalahy. Tsy milaza an’izao eny amin’ny polipitra aho; miankina aminareo izany. Saingy te-hampiseho aminareo aho hoe inona no hitako eo amin’ireo lafiny roa, mba ny Fanahy Masina no hanambara aminareo an’ilay hitanareo.

¹⁶³ Ankehitriny, ny Matio 28:19, ary raha—raha ny Matio 28:19 no mifanohitra amin’ny Asa 2:38, amin’izay fotoana izay dia misy fifanoherana ao amin’ny Baiboly, ary Izany dia tsy mendrika akory an’ilay taratasy izay nanoratana an’Izany.

¹⁶⁴ Ankehitriny raha ho voamarikareo ao amin’ny Matio ny toko faha-16, Jesosy no nanome ny fanambarana an’i Petera, ary nanome azy ny fanalahidyi.

¹⁶⁵ Ankehitriny, tsarovy, ny Baiboly dia tsy voambara tamin’ny alàlan’ny teolojia an’ireo karazana drafitra nataon’olombelona. Tsy izany. Izany dia fanambarana anankiray.

¹⁶⁶ Fanambarana izany, tany am-panombohana. Nahoana i Abela no nanolotra ho an’Andriamanitra ny fanatitra tsara indrindra noho i Kaina? “Voambara taminy izany,” fa tsy paiso

ilay izy, sy paoma, sy voasary, sy paoma. Raha paoma no hahatonga saina ny vehivavy fa mitanjaka izy, dia tsaratsara kokoa ny hampandalovana ny paoma indray, ry rahalahy. Tsy mba mieritreritra tahaka an'izany ve ianareo? Ankehitriny, izany, izany dia ohatry ny fanimbazimbana, saingy tsy tiako ny hilaza an'izany. Fa, tsy paoma ilay izy. Tsia, tompoko. Ankehitriny, ary raha izany no izy, amin'izay fotoana izay, “Voambara tamin'i Abela izany,” fa izy no ràn'ny rainy. Noho izany dia nanolotra rà izy, satria fanambarana anankiray ilay izy. Ny zavatra rehetra dia miorina eo ambonin'izany.

¹⁶⁷ Ankehitriny jereo, indro ny mpanjono tsy mahay anankiray, tsy ampy fampianarana akory aza... Ny Baiboly no milaza fa tsy mahay izy ary tsy nianatra. Saingy nitsangana teo izy, ary nametraka an'ilay fanontaniana Jesosy, “Ataonareo ho iza moa Aho ilay Zanak’olona?”

¹⁶⁸ Ny anankiray nanao hoe, “Nahoana, Ianao no—Ianao no Mos—...” Na, “Izy ireo—izy ireo manao hoe, ‘Ianao no Mosesy.’”

“Ataon’izy ireo, ataon’izy ireo ho iza moa Aho?”

Ny anankiray nanao hoe, “Nahoana, Ianao no Jeremia na ireo mpaminany, sy *ity, izao, na ny hafa.*”

¹⁶⁹ Hoy Izy hoe, “Tsy izany ilay fanontaniana. Nanontany anareo Aho. Ataonareo ho iza moa Aho?”

¹⁷⁰ Ary nitsangana avy hatrany i Petera, ka nanao hoe, “Ianao no Zanak’Andriamanitra.”

¹⁷¹ Ary hoy Izy hoe, “Sambatra ianao, ry Simona, zanak’i Jona.” Ankehitriny diniho. “Tsy ny nofo aman-drà no naneho an'izany taminao, fa ny Raiko izay any An-danitra.” Hitanareo?

¹⁷² Ankehitriny diniho, ankehitriny, ny fiangonana Katolika dia milaza fa nanorina ny Fiangonana teo ambonin’i Petera Izy. Diso izany.

¹⁷³ Ny fiangonana Protestanta dia milaza hoe, “Nanorina an'izany teo ambonin’ny Tenany Izy.” Fa ankehitriny diniho dia fantaro, jereo raha izany ilay izy.

¹⁷⁴ Izy dia nanorina an'izany teo ambonin’ny fanambarana ny hoe Iza Izy, hitanareo, satria hoy Izy hoe, “Sambatra ianao, ry Simona, zanak’i Jona. Tsy ny nofo aman-drà no naneho anao an'izany. Izaho dia milaza fa ianao no Simona; eo ambonin’ity vatolampy *ity*” (vatolampy inona? ny fanambarana) “no Hanorenako ny Fiangonako, ary ny vavahadin’ny helo tsy haharesy Azy.” [Nandondona intelo ny polipitra Rahalahy Branham—Mpand.]

¹⁷⁵ Tamin’izay fotoana izay, rehefa nitsangana teo i Petera rehefa nanonona ny Matio 28, ka nihodina ary, folo andro taty aoriана, niaraka tamin’ilay fanambarana, ka nanao batisa tamin’ny Anaran’i “Tompo Jesosy Kristy.” Nahoana izy no nanao

an'izany? Niaraka tamin'ilay fanambaran'Andriamanitra; ary nahazo ny fanalahidin'ny Fanjakana, ry rahalahy.

¹⁷⁶ Ankehitriny mety handona anareo mandritry ny iray minitra aho, ny lafiny iray aminareo, fa mijanona iray minitra fotsiny. Tsy misy toerana anankiray ao amin'ny Baiboly izay misy olona mba natao batisa tamin'ny Anaran'ny "Ray, Zanaka, Fanahy Masina." Tsy misy toerana anankiray ao amin'ny Soratra. Ary raha misy izany, asehoy ilay izy. Ary raha afaka mahita ianareo na aiza na aiza ao amin'ny tantara masina, mandra-pifor'on'ny fiangonana Katolika, tiako ianareo hampiseho an'ilay izy. Tsy misy toerana, ankehitriny, ary izany no marina.

Saingy ankehitriny andraso iray minitra, ianareo an'ny Tokana, iray segondra fotsiny.

¹⁷⁷ Ankehitriny, tsy misy toerana izay... Raha misy olona afaka maneho ahy lahatsoratra anankiray an'ny Soratra izay nampiasana an'izany fombam-pivavahana izany ao amin'ny Baiboly, ny "Ray, Zanaka, Fanahy Masina," dia voatery ianareo hiteny amiko hoe aiza no nisy olona natao batisa tahaka an'izany.

¹⁷⁸ Ary ny sasany amin'izy ireo dia milaza hoe, "Eny, izay nolazain'i Jesosy no halaiko, fa tsy izay nolazain'i Petera." Raha nifanohitra izy ireo, ny iray amin'ny hafa, inona no hataontsika? Raha tsy Andriamanitra izy rehetra ireo, ampahany inona ao amin'ny Baiboly no marina?

¹⁷⁹ Tsy maintsy mifanaraka izany rehetra izany ary mikambana miaraka, ary ny fanambaran'Andriamanitra irery ihany. Ireo sekolintsika dia tsy hampianatra an'izany mihitsy. Fanambarana izany, tsy maintsy hitanareo Izany.

¹⁸⁰ Koa, raha nifanohitra ireo lehilahy anankiroa ireo, ny iray amin'ny hafa, amin'izay fotoana izay dia karazana Baiboly inona no vakiantsika? Ahoana no hahafantaroko na marina ny Jaona 14, na tsia? Ahoana no hahafantaroko na marina ny Jaona 3, na tsia? Ahoana, ahoana, ahoana no hahafantaroko? Hitanareo?

¹⁸¹ Fa ny fomba tokana izay hahafahako manana finoana an'Andriamanitra, dia ny mahafantatra fa ity Baiboly ity no marina, ary mino fa Izy no marina, ka mijoro tsara miaraka Aminy. Na dia tsy azoko aza Izy, hetsehiko Izy, na izany aza.

¹⁸² Fa rehefa tonga ireo fifanoherana ireo, amin'izay fotoana izay dia mandeha eo anatrehan'Andriamanitra aho, mba hahita. Ary ilay Anjely izay mihaona amiko ao amin'ny fivoriana io ihany, ary ny hariva, no mbola ilay Anankiray Izay nampianatra ahy an'Ity. Hitanareo? Ankehitriny jereo raha izany io, ahoana io ankehitriny.

¹⁸³ Ankehitriny, Matio 28:19, ndao isika handinika vetivety fotsiny ankehitriny. Ary ankehitriny dia haka ny Asa 2:38 aho

eto mihitsy, izay nilazan'i Petera hoe, "Ny Tompo Jesosy Kristy." Ary hoy Matio hoe, "Ray, Zanaka, Fanahy Masina."

¹⁸⁴ Ankehitriny henoy. Hoy Izy hoe, "Manaova batisa azy ireo . . ." Tsy "amin'ny anaran'ny Ray, amin'ny anaran'ny Zanaka, amin'ny anaran'ny Fanahy Masina." Tsy nilaza an'izany mihitsy izy. Tsy misy "anarana . . . amin'ny anarana . . . amin'ny anarana."

¹⁸⁵ Tsy nilaza mihitsy Izy hoe, "Manaova batisa azy ireo amin'ireo *anarana* an'ny Ray, Zanaka, ary Fanahy Masina," satria tsy misy dikany akory aza izany.

¹⁸⁶ Hoy Izy hoe, "Manaova batisa azy ireo amin'ny Anarana (A-n-a-r-a-n-a) an'ny Ray, Zanaka, ary Fanahy Masina." Marina ve izany? [Hoy ny fiangonana hoe, "Amena."—Mpand.] ". . . an'ny Ray, Zanaka, ary Fanahy Masina," ny fanohizana, "sy, sy, sy."

¹⁸⁷ Tsy "ireo anarana." Tsy "amin'ny anaran'ny Ray, anaran'ny Zanaka, anaran'ny Fanahy Masina." Tsy, "amin'ireo *anarana* an'ny Ray, Zanaka, ary Fanahy Masina." Fa, "amin'ny Anarana," A-n-a-r-a-n-a, iray ihany, "an'ny Ray, Zanaka, ary Fanahy Masina." Ankehitriny, iza amin'izy ireo no anarana marina hanaovana batisa? Anarana anankiray izany. Iza no izy? Ny "Ray" ve no anarana marina, sa ny "Zanaka" ve no anarana marina, sa ny "Fanahy Masina" ve no anarana marina?

¹⁸⁸ Ilay izy dia "Anarana," any ho any. Marina ve izany? [Hoy ny fiangonana hoe, "Amena."—Mpand.] Eny, ankehitriny te-hanontany zavatra anareo aho, arak'izany. Raha ilay "Anarana," àry, raha hoy Jesosy hoe, "manaova batisa azy ireo amin'ny Anaran'ny Ray, Zanaka, ary Fanahy . . ." Firy no mino fa Jesosy no niteny an'izany? ["Amena."] Izany no Soratra. Izany no Matio 28:19, "Amin'ny Anaran'ny Ray, Zanaka . . ."

¹⁸⁹ [Mahita zava-mahasarika anankiray Rahalahy Branham—Mpand.] Iny ve zavatra izay isika . . . Tsia, iny dia, neveriko . . . Eny àry, tompoko. [Hoy ny rahalahy anankiray hoe, "Azafady, Rahalahy Branham?"] Hia. ["Te-hamadika an'ity fandraisam-peo ity aho, ary tsy tiako ny ho diso amin'izany."] Eny àry. [Elanelana tsy voaraki—peo]. . . ? . . .

¹⁹⁰ Ankehitriny, "amin'ny Anaran'ny Ray, Zanaka, ary Fanahy Masina." Ankehitriny henoy, ry rahalahy. Tsy misy izany anarana hoe "Ray," izany satria *Ray* dia tsy anarana. Titra izany. Tsy misy izany anarana hoe "Zanaka," izany satria *Zanaka* dia titra. Tsy misy izany anarana hoe "Fanahy Masina," izany. Izany Izy.

¹⁹¹ Nilaza an'izany aho tamin'ny fisakafoana marainan'ny mpitoriteny indray maraina, ary vehivavy anankiray . . . Tsy ara-dalàna, mazava ho azy, ny olona izay manapa-dresaka, zavatra tahaka an'izany. Hoy izy hoe, "Andraso iray minitratotsiny! Manao azafady aminao!" Hoy izy, "Fanahy Masina dia anarana."

¹⁹² Hoy aho hoe, “Izany Izy. Olombelona anankiray aho, saingy ny anarako dia tsy ‘Olombelona.’”

¹⁹³ Fanahy Masina Izany. Tsy anarana anankiray izany. Izany Izy. Izany dia teny milaza anarana, mazava ho azy, saingy izany dia tsy a . . . Izany dia a—izany dia a . . . Izany dia tsy anarana.

¹⁹⁴ Ankehitriny, raha hoy Izy hoe, “Manaova batisa azy ireo amin’ny Anaran’ny Ray, sy ny Zanaka, ary ny Fanahy Masina,” ka na ny Ray, Zanaka, na Fanahy Masina dia tsy anarana, inona ary ilay Anarana? Tiantsika ny hahalala an’izany.

¹⁹⁵ Ankehitriny, afaka mahazo azy rehetra isika ao amin’ny toerana anankiray eto, raha handinika fotsiny ianareo ary—ary—ary miharitra fotoana kely ankehitriny, na mitahiry fotoana kely, no tiako ho lazaina. Ankehitriny mariho ny Matio 28:19. Ankehitriny, izaho tsy milaza fa . . .

¹⁹⁶ Ianareo afaka, ianareo mety nanao an’ilay izy, ny sasany aminareo anabavy na rahalahy. Mety nahita boky anankiray ianareo, indray andro, ka nahita tany amin’ny faran’izy io, ka nanao hoe, “John sy Mary dia niaina sambatra mandrakariva avy eo.” Eny, iza i John sy Mary? Inona, iza i John sy Mary izay niaina sambatra mandrakariva avy eo? Fomba tokana ihany no mba hahafantaranareo hoe iza i John sy Mary; fa, ankamantatra aminareo izany, miverena ary vakio ilay boky. Marina ve izany? [Hoy ny fiangonana hoe, “Amena.”—Mpand.] Miverena any amin’ny voalohany ka vakio daholo ilay izy, ary izany no hiteny aminareo hoe iza i John sy Mary.

¹⁹⁷ Eny, raha nilaza Jesosy, Jesosy Kristy ilay Zanak’Andriamanitra, izay nanao hoe, “Mandehana ianareo, ampianaro ny firenena rehetra, manao batisa azy ireo amin’ny Anaran’ny Ray, Zanaka, ary Fanahy Masina,” ary na ny Ray, Zanaka, na Fanahy Masina dia tsy anarana. Amin’izay fotoana izay, dia ankamantatra anankiray ilay izy, tsaratsara kokoa amintsika ny miverina any amin’ny voalohan’ilay Boky.

¹⁹⁸ Ankehitriny ndao isika hiverina amin’ny toko 1 an’ny Matio, ary hanomboka eo isika, manome ny filazana ny razana izany, mandra-pahatongan’izany any amin’ny andininhy faha-18.

¹⁹⁹ Ankehitriny diniho, ankehitriny diniho iray minitra fotsiny. [Manao sary Rahalahy Branham, mampiasa zavatra telo—Mpand.] *Ity* dia Ray, eto amin’ny ilany ankavanako; *ity* eo afovoany dia Zanaka; ary *ity* dia ny Fanahy Masina. Ankehitriny, *ity* dia ny Rain’i Jesosy Kristy. Marina ve izany? [Hoy ny fiangonana hoe, “Amena.”] Andriamanitra no Rain’i Jesosy Kristy. Isika rehetra ve mino an’izany? “[Amena.]” Eny ary.

²⁰⁰ Ankehitriny hoy Matio 1:18 hoe:

Ankehitriny ny fahaterahan’i Jesosy Kristy dia toy izao: Rehefa . . . nanaiky i Maria reniny ho fofombadin’i

Josefa, talohan’izy . . . izy ireo niara-nitoetra, dia hita izy fa efa nitoe-jaza avy tamin’ny . . .

²⁰¹ [Hoy ny fiangonana hoe, “Fanahy Masina.”—Mpand.] Izaho dia nieritreritra fa Andriamanitra no Rainy.

Ary hiteraka zazalahy izy, . . . izy ireo hiantso ny anarany hoe JESOSY: . . .

Ary Josefa vadiny, dia lehilahy marina, . . . tsy ninia hanala baraka azy, fa nametraka azy tamin’ny mangininga.

Araka izany, raha mbola nisaina an’izany zavatra izany izy, indro, ny anjelin’ny Tompo niseho teo aminy tao amin’nynofy, nanao hoe, Ry Josefa, zanak’i Davida, aza matahotra ny haka an’i Maria ho vadinao: fa ilay ao an-kibony dia avy amin’ny . . .

²⁰² [Hoy ny fiangonana hoe, “Fanahy Masina.”—Mpand.] Izaho dia nieritreritra fa Andriamanitra no Rainy. Ankehitriny, manana ray anankiroa ve Izy, ry rahalahy? [“Tsia.”] Tsy afaka ny banana Izy. Raha izany Izy, dia zaza safiotra Izy, ary karazana fivavahana inona no ananantsika eto? Tsy maintsy manaiky ianareo fa Andriamanitra ilay Ray sy ilay Fanahy Masina dia Fanahy iray ihany. Azo antoka, izany Izy. Azo antoka, Izany ilay Fanahy iray ihany. Ankehitriny, mahazo isika, ary hitantsika izany.

Ary hiteraka zazalahy izy, ary izy ireo hiantso ny anarany hoe JESOSY: fa izy no hamonjy ny olony amin’ny fahotany.

. . . izany rehetra izany dia tonga, mba hahatanteraka . . .

²⁰³ Manonona ny Soratra aho. Ianareo mpitoriteny dia mahafantatra, raha mandeha aho.

. . . mba hahatanteraka . . . nolazain’ny mpaminany, tamin’ny alàlan’ny Tompo, manao hoe,

. . . hitoe-jaza ny virijiny, ka . . . hiteraka zaza, ary izy ireo hiantso ny anarany hoe Imanoela, izay araka ny fandikana dia, . . .

²⁰⁴ [Niato Rahalahy Branham. Hoy ny fiangonana hoe, “Amintsika Andriamanitra.”—Mpand.] “Amintsika Andriamanitra!” Marina ve izany? [“Amena.”]

²⁰⁵ Noho izany dia iza no Anaran’ilay Ray, Zanaka, ary Fanahy Masina? [Hoy ny rahalahy anankiray hoe, “Jesosy Kristy.”—Mpand.] Eny, izany tokoa. Izany no antony nanaovan’i Petera batisa azy ireo amin’ny Anaran’i “Jesosy Kristy.”

²⁰⁶ Saingy, tsy ahoako, raha natao batisa tamin’ny anaran’ny Raozin’ny Sarona ianareo, Lisin’ny Lohasaha, ny Kintan’ny Maraina, izany dia titra, ihany koa. Raha mahitsy

amin'Andriamanitra ny fonareo, dia Izy no mahafantatra ny fonareo.

²⁰⁷ Fa ankehitriny, ankehitriny, nasehoko izany. Ankehitriny, ankehitriny hoy aho... Ankehitriny hoy Rahalahy Scism hoe, "Ankehitriny!" Mazava ho azy, azo antoka, tahaka ny hoe an'ny Tokana izany, koa dia momba an'izany mihitsy izy.

²⁰⁸ Ankehitriny hoy aho hoe, "Ankehitriny eto dia te-hilaza zavatra aminareo aho ankehitriny." Hitanareo? Hoy aho hoe, "Ankehitriny te-hanaporofa aminareo aho fa ireto, lehilahy roa, ireto dia nilaza zavatra mitovy."

²⁰⁹ Ankehitriny, hoy Matio hoe, "Amin'ny Anaran'ny Ray." Marina ve izany? [Hoy ny fiangonana hoe, "Amena."—Mpand.] Eny àry. Ary hoy Petera hoe, "Amin'ny Anaran'ny Tompo." Hoy Matio 28:19 hoe, "Amin'ny Anaran'ny Ray," fa hoy ny Asa 2:38 hoe, "Amin'ny Anaran'ny Tompo." Hoy Davida hoe, "Ny Tompo nilaza tamin'ny Tompoko." Iza Izany? Ray sy Tompo dia Anarana iray ihany. Hoy Davida hoe, "Ny Tompo nilaza tamin'ny Tompoko hoe, 'Mipetraha Ianao eto amin'ny Tànakao ankavanana.'" Hitanareo, "Amin'ny Anaran'ny Ray; amin'ny Anaran'ny Tompo."

²¹⁰ Ary hoy Matio hoe, "Amin'ny Anaran'ny Zanaka," fa hoy Petera hoe, "Amin'ny Anaran'i Jesosy." Iza ilay Zanaka? Jesosy.

²¹¹ "Amin'ny Anaran'ny Fanahy Masina," ny Matio; fa hoy Petera hoe, "Amin'ny Anaran'i Kristy," ilay Logos.

²¹² *Ray, Zanaka, Fanahy Masina, "Tompo Jesosy Kristy."* Nahoana, tena tanteraka mihitsy araka ny maha-izy azy izany. Hitanareo?

²¹³ Nilaza tamiko Rahalahy Scism. Rahalahy Scism, ny rahalahy an'ny Tokana, hoy izy hoe, "Rahalahy Branham, marina izany, saingy," hoy izy hoe, "izao dia ity."

²¹⁴ Hoy aho hoe, "Noho izany, ity dia izao." Marina izany. Hitanareo? Hoy aho hoe, "Raha izao dia ity, ity dia izao. Koa inona àry no ifamalianareo amin'izany?"

²¹⁵ Hoy aho hoe, "Mamelà ahy hanoro hevitra anareo, ry rahalahy. Raha mba manao batisa olona anankiray aho, izao no..."

²¹⁶ Hoy aho hoe, "Ankehitriny, indro Dr. Ness." Ary nisy olona nilaza, vao tsy ela, ianareo rahalahy ireo, fa nahafantatra ny Dr. Ness ianareo.

²¹⁷ Eny, hilaza aho, eto, Rahalahy Hicks eto, izy dia nanana a... Heveriko fa manana Diplaoman'ny Dokotera ianao. Marina ve izany? Eny àry.

²¹⁸ Ankehitriny hoy aho hoe, "Raha Dr. Ness, mipetraka eto..." Ankehitriny hoy aho hoe, "Raha tiako..." Ankehitriny, rehefa mitondra olona anankiray ho ao anaty rano aho, hanao batisa

azy ireo, manaiky aho tahaka ny nataony mihitsy, hoy aho hoe,
“Izany dia titra izay mahakasika ny Anarany.”

²¹⁹ Hoy aho hoe, “Ankehitriny, ireo rahalahy Assemblée dia mampiasa titra, ary ny rahalahy an’ny Tokana dia mampiasa Anarana.” Hoy aho hoe, “Ankehitriny dia ho porofoiko aminareo, fa samy diso ianareo, fa izaho no marina.” Fantatrareo hoe ahoana no tsy maintsy hanaovanareo... Ianareo rehefa manana olona eo ambanin’ny fitarihana mafy tahaka an’izany, dia tsy maintsy manana hevitra hatsikana kely ianareo indraindray, mba ho fanalefahana kely. Koa hoy aho hoe, “Ho porofoiko aminareo fa samy diso ianareo, fa izaho no marina.”

²²⁰ Hoy aho hoe, “Ankehitriny ahoana moa raha te-hanaja ny Rahalahy Ness aho, hilaza aho...”

²²¹ Na, na Rahalahy Hicks eto, hitanareo. Hanao aho hoe, “Hicks!” Ankehitriny, ohatry ny ho tsara ve izany? Tsia. Eny, ahoana moa raha hanao aho hoe, “Dokotera! He, Doko! Ahoana ny amin’izany?” Ankehitriny, tena tsy fanajana izany, sa tsy izany?

²²² “Rehefa,” hoy aho hoe, “izany no fomba ataonareo Assemblée, hitanareo. Rehefa hoy ianareo rahalahy Assemblée ireo hoe, ‘Amin’ny anaran’ny Ray, sy an’ny Zanaka, ny Fanahy Masina,’ dia miteny fotsiny ianareo hoe, ‘amin’ny anaran’ny revera, dokotera.’”

²²³ Ary hoy aho hoe, “Avy eo, ianareo rahalahy an’ny Tokana, rehefa manao batisa ianareo, hoy ianareo hoe, ‘Jesosy!’” Izy ireo tsy mampiasa...

²²⁴ Izy ireo, Jesosy Irery, dia mampiasa fotsiny ny anarana “Jesosy.” Misy Jesosy betsaka mihitsy. Fa, ny Tompo Jesosy Kristy Izany, hitanareo. Misy betsaka... Manaova batisa amin’ny anaran’i “Jesosy,” tsy momba an’izany tokoa aho; tsy misy Soratra. Raisonareo ny tena izy, jereo ilay izy raha tsy “Tompo Jesosy Kristy.” Izany tokoa, Izy no Tompo Jesosy Kristy. Misy Jesosy betsaka, izany tokoa. Ary ny Kristy dia ilay “Voahosotra.”

²²⁵ Hoy aho hoe, “Ankehitriny, raha nilaza zavatra mitovy tamin’ny Rahalahy Ness aho. Hoy aho hoe, ohatry ny tsara ho ahy ve ny hanao hoe, ‘He, Ness!?’” Hoy aho hoe, “Izany no fomba hilazanareo an’ny Tokana azy. Hitanareo? Tsy ohatry ny finiavana tsy fanajana an’ilay lehilahy izay nianatra ve izany, ary nanana ny Diplomaoman’ny Dokotera izy? Raha nianatra mafy ho an’izany izy, dia tsy maintsy manana an’izany titra izany izy.”

²²⁶ Ary hoy aho hoe, “Avy eo raha hoy aho hoe, ‘He, Doko!’” Hoy aho hoe, “Tsy ohatry ny mahitsy be ve izany, ho an’ny mpitoriteny anankiray hiresaka amin’ny anankiray hafa?” Na, hoy aho hoe, “Izany mihitsy ilay fomba izay anaovanareo an’ilay izy, amin’ilay lafiny arak’ilay titra fotsiny.”

²²⁷ Fa hoy aho hoe, “Rehefa mitondra olona iray ao amin’ny rano aho; mandroso eo aho ary manontany azy, sy miresaka, ka mahazo ny anarany sy hoe iza izy, ary ny finoany.”

²²⁸ “Avy eo dia mivavaka aho, ka manao hoe, ‘Ankehitriny, Ray, satria Ianao no naniraka anay “mandehana any amin’izao tontolo izao ka ataovy mpianatra ny firenena rehetra, . . .”’ Ianareo rahalahy ireo dia mahafantatra fa izany no tena izy, hitanareo. ““ . . . ataovy mpianatra ny firenena rehetra, manao batisa azy ireo amin’ny Anaran’ny Ray, sy ny Zanaka, sy ny Fanahy Masina; mampianatra azy ireo hitandrina an’ireo zavatra izay Ianao no . . . ny zavatra rehetra izay Nampianarinao anay.””

²²⁹ “Koa amin’izay fotoana izay dia hoy aho hoe, ‘Eo ambonin’ny fiaiken’ny finoanao; eo ambonin’ny fiaikena ny fahotanao, ary ny finoanao ny Zanak’Andriamanitra, dia manao batisa anao aho, ry rahalahy malalako, amin’ny Anaran’i Tompo Jesosy Kristy.’”

²³⁰ Hoy aho hoe, “Izany no fomba anaovako batisa. Sady ekeko ny Titrany, inona Izy, sady Ray, Zanaka, ary Fanahy Masina. Ary ny antony nilazan’i Jesosy an’izany, dia . . .”

²³¹ Ankehitriny jereo. Raha—raha tsy izany io, dia manana fifanoherana anankiray ianareo ao amin’ny Soratrareo; manana fifanoherana anankiray ianareo. Ary inona no hataonareo rehefa . . . Ahoana moa raha io rahalahy Bouddista io no hitsangana ka hilaza fa, “Ahoana ny amin’ity?” Inona no lazain’izy ireo rehefa niteny tamiko izy ireo . . .

²³² Tany, rehefa nihaika an’i Morris Reedhead ity rahalahy Indiana, ka nilaza taminy, nanao hoe, “Ahoana ny amin’ny Marka 16?” Tsy maintsy nihemotra izy teo amin’izany.

²³³ Tsy tokony hihemotra amin’inona na inona ianareo. Tenin’Andriamanitra izany. Mitoera miaraka amin’Izany. Mivavaha fotsiny. Raiso ny fanambarana. Mandeha mitovy avokoa izany.

²³⁴ Hitanareo, izy roa dia samy milaza an’ilay zavatra, ankehitriny; tsy titra; tsy mivantana. Hoy aho hoe, “Ankehitriny . . .”

²³⁵ Nahalala Azy aho. Izy no Ray; tsy Andriamanitra hafa anankiray. Izy no Zanaka; tsy Andriamanitra hafa anankiray. Ilay Andriamanitra iray ihany! Ianareo . . . Asa telo izany. Andriamanitra ao amin’ilay fizarana maha-Ray, raha izay no tianareo iantsoana azy, an’ny maha-Ray; maha-Zanaka; ary izany dia ilay Andriamanitra iray ihany ao amintsika ankehitriny, “Homba anareo Aho.” Ilay “Aho,” mpisolo tena, “Homba anareo Aho.” Koa, hitanareo, izany dia asa telo, fa tsy Andriamanitra telo.

Ankehitriny, ry rahalahy, raha tsy nampiasa an’izany mihitsy ireo mpianatra, ary ny sisa . . .

²³⁶ Tsy milaza na inona na inona manohitra an'izany aho. Marina daholo izany. Lazaiko anareo, raha misy olona anankiray tonga eto, natao batisa tamin'ny anaran'ny "Raozin'ny Sarona, ny Lisin'ny Lohasaha, ary ny Kintan'ny Maraina," ka nino an'i Jesosy Kristy ho Mpamonjiny; hilaza aho hoe, "Andriamanitra hitahy anao, rahalahy! Avia, ndao isika handeha!" Hitanareo? Marina izany. Satria, raha tsy mahitsy ny fonareo, ianareo no tsy marina, na izany aza. Tena marina. Ary ny—ny fonareo no tsy maintsy mahitsy.

²³⁷ Ary hoy aho hoe, "Ankehitriny jereo. Ankehitriny, raha niarahaba an-dRahalahy Ness eto aho, hilaza aho hoe 'ny Rev. Dr. Ness.' Izany marina tokoa. Mpitoriteny anankiray izy. Tsy maintsy hajainy izy satria revera anankiray. Nianatra izy, ary fianarana betsaka. Manana ny Diplomaon'ny Dokotera izy, noho izany izy dia tsy maintsy antsoina hoe 'dokotera.' Izany no titrany, hitanareo. Ary ny anarany dia 'Ness,' na izany aza. Ankehitriny, izaho tsy hanao hoe, 'He, Ness! He, Doko!' Tsia, tsy ho tsara izany. Hanao aho hoe, 'Ny Rev. Dr. Ness.'"

²³⁸ "Hitanareo, izany no iantsoako, hitanareo, amin'ny maha-izy Azy; sady Ray, Zanaka, ary Fanahy Masina, 'ny Tompo Jesosy Kristy.'" Hitanareo?

²³⁹ Ary hoy aho hoe, "Raha mba manao batisa anankiray avy ao amin'ny fiangonanareo rehetra aho, dia izany no fomba hanaovako batisa azy ireo." Hoy aho hoe, "Handray azy ve ianao, Rahalahy Ness?"

²⁴⁰ Hoy izy hoe, "Izany tokoa. Natao batisa tamin'ny Anaran'ny Ray, Zanaka, ary Fanahy Masina izy."

Hoy aho hoe, "Handray azy ve ianao, Rahalahy Scism?"
Hoy izy hoe, "Izany tokoa, natao batisa tamin'ny Anaran'i Jesosy izy."

²⁴¹ Hoy aho hoe, "Koa inona ny olana aminareo, ry rahalahy? Nahoana ianareo no tsy manaiky an'izany, ka mandrodana an'ireo rindrina izay misy an'ireo olombelona mahantre ireo. Ny an'ny Tokana dia tia ny, marina tokoa, ireo fiangonana, izy ireo dia tia ny hivavaka miaraka amin'ireo Assemblées. Ary ireo Assemblées, fiangonana, dia tia ny hivavaka miaraka amin'ny an'ny Tokana. Ary ireo rahalahy dia tahaka izany. Izy ireo dia tahaka an'izany. Saingy raha mbola ny devoly foana no mampiady azy ireo . . ."

²⁴² Ankehitriny hitanareo ve izay tiako ho lazaina, ry rahalahy? Ity zavatra anankiray ity no tiako haroso, Jesosy Kristy, sy ny firaisan'ilay Vatan'i Jesosy Kristy. Izany no tanjoko. [Hoy ny fiangonana hoe, "Amena."—Mpand.]

²⁴³ Ankehitriny, izao tsy milaza na inona na inona momba ny hoe, "He, ianareo tsy natao batisa tamin'ny Anaran'i Jesosy; ho any amin'ny helo ianareo." Ankehitriny, fahadalana izany.

²⁴⁴ Ho lazaiko anareo izay nitranga indray andro. Tany Texas tany aho. Talohan’ny niaingana... Ary ireo—ireo rahalahy eto no vavolombelon’izany. Ny fiangonan’ny an’ny Tokana, fiangonana roa amby fitopolo, no nanohana ny fivoriako. Ary izaho no nametraka ny Rahalahy Petty, ny rahalahy Assemblée de Dieu, teo amin’ny lampihazo tamin’io hariva io. Ankehitriny, fantatrareo fa marina izany. Rahalahy sarobidy anankiray izy, Rahalahy Petty, raha mahafantatra azy ianareo rehetra, avy any Beaumont, Texas. Izy dia iray amin’ny lehilahy tena tsara indrindra izay mba nihaonako. Ny vadiny dia Katolika niova fo, tena vehivavy anankiray nohamasinina. Tena lehilahin’Andriamanitra anankiray izy.

²⁴⁵ Lazao ahy hoe iza no lehilahy tsara indrindra noho i Roy Wead, avy ao amin’ny Assemblée de Dieu. Milazà anankiray amin’ireto lehilahy ireto, jereo eto, ireto rahalahy rehetra izay fantattro manodidina eto ireto. Rahalahy avy amin’ny fiangonana Filadelfiana eto, ary ireo lehilahy Assemblées de Dieu, ary iza no olona tsara indrindra? Lazao ahy hoe aiza. Lazao ahy hoe iza no lehilahy tsara indrindra noho Jack Moore? Lazao ahy izany. Izy ilay antsoin’izy ireo... Izy ireo dia azy ireo. Izy tsy mpififikitra anankiray. Ianareo dia mahita mpififikitra amin’ireo lafiny roa ireo; ary izany no tondroin’ny olona, ary izany no tondroin’ny devoly.

²⁴⁶ Fa izy rehetra dia lehilahin’Andriamanitra. Andriamanitra no nanome azy ireo ny Fanahy Masina. Raha tsy ny fahasoavan’Andriamanitra izany, dia vita ny amintsika rehetra, miaraka amin’ireo fifamalantsika sy ny sisa. Tena marina izany. Fa ny fahasoavan’Andriamanitra no mamatotra antsika miaraka. Tsy mahagaga raha afaka mihira isika hoe, “Isaorana anie ilay tady izay mamatotra ny fontsika ao amin’ny fitiavana Kristiana.” Izany no ilantsika, arak’izany.

²⁴⁷ Ary noho izany dia mba fantatrareo moa? Ilay Mpanaramaso Ambony ao amin’ny—ny fiangonana, dia niantso ahy, ary hoy izy hoe, “Fantatrao ve izay nataonao omaly hariva?” Ny hariva faharoako tany.

Hoy aho hoe, “Inona?” Hoy aho hoe, “Nanana fivoriana nahafinaritra isika.”

Hoy izy, “Ianao dia nanana lehilahy anankiray teo amin’ny polipitranao izay mpanota anankiray.”

Hoy aho hoe, “Tsy fantattro izany.” Taiza no...

Hoy izy, “Ilay Atoa. Petty.”

²⁴⁸ “Oh,” hoy aho hoe, “mpanota? Inona?” Hoy aho hoe, “Izy dia mpitoriteny anankiray an’ny Assemblée de Dieu, ry rahalahy.”

²⁴⁹ Hoy izy hoe, “Eny, saingy mbola mpanota foana izy, satria tsy natao batisa marina izy.”

²⁵⁰ Ary hoy aho hoe, “Rahalahy, miangavy aho lazao ahy hoe nahoana.” Hoy aho hoe, “Manana ny Fanahy Masina izy.”

²⁵¹ Hoy izy hoe, “Rahalahy Branham, inona no nolazain’i Petera? ‘Mibebaha, ary aoka hatao batisa amin’ny Anaran’i Jesosy Kristy ho famelana ny fahotanareo.’ Noho izany dia tsy ho voavela ny fahotanareo raha tsy natao batisa tamin’ny Anaran’i Jesosy ianareo.”

Hoy aho hoe, “Izany ve ilay fitsipika, ry rahalahiko?”

Hoy izy hoe, “Izany ilay fitsipika.”

²⁵² Hoy aho hoe, “Namadika ny Saretim-paomany Manokana izany Andriamanitra, ao amin’ny Asa 10:49, satria, ‘Raha mbola niteny an’izany teny izany i Petera, dia nilatsaka teo ambonin’ireo izay nandre ny Teny ny Fanahy Masina,’ hitanareo, nefy izy ireo tsy mbola natao batisa, mihitsy. Noho izany, Andriamanitra dia nanome ny Fanahy Masina ho an’ny olona izay tsy mbola niova fo akory aza?” Hoy aho hoe, “Fa mba aiza àry no ijoroanao ankehitriny?”

²⁵³ Hoy izy hoe, “Fantatrao ve izay hataonay?” Hoy izy, “Hanao sary faribolana anankiray izahay, ary hitarika anao mihitsy any ivelan’ny faribolanay.”

²⁵⁴ “Noho izany,” hoy aho hoe, “Izaho handeha hanao sary anankiray hafa, ka hitarika anareo mihitsy hiverina hiditra indray.” Hoy aho hoe, “Tsy afaka mitarika ahy any ivelanay ianareo, satria tia anareo aho. Hitonareo, tsy afaka manao an’izany mihitsy ianareo.” Hoy aho hoe, “Misy maro be amin’ireo—ireo rahalahinareo any ivelanay any izay tia ahy sady mino ahy.” Hoy aho hoe, “Ianareo, izaho dia—izaho dia... Ho avy izy ireo, na izany aza.” Hoy aho hoe, “Ho avy izy ireo. Ary ianareo tsy afaka hitarika ahy any ivelanay. Raha mitarika ahy any ivelanay ianareo, dia izaho no hitarika anareo hiverina hiditra.” Hoy aho hoe, “Raha manao faribolana anankiray ianareo; Andriamanitra, noho ny Fahasoavany, no hamela ahy hanao sary anankiray hafa ka hisintona anareo hiverina mihitsy indray.” Marina izany, hitarika azy ireo hiverina mihitsy indray.

²⁵⁵ Ary, ry rahalahy, oh, amin’ny Anaran’i Kristy no hahafahako milaza an’izany. Izaho—izaho dia... Fantatra fa mihazona fotoana aho eto; ary efa tena saiky fotoana hamaranana izao, neveriko, saingy mamelà ahy fotsiny hilaza an’izao, hitanareo.

²⁵⁶ Ary hoy aho tamin’io lehilahy io, hoy aho hoe, “Handeha hiaraka aminareo aho raha mbola history ny Soratra foana ianareo, ary manana fitiavana, ary mino fa—fa... ary mitory ka milaza ianareo fa manao batisa ny olona... tsy amin’ny anaran’i ‘Jesosy,’ Jesosy irery. Tsia, tomponko. Izaho—izaho dia azo antoka fa tsy homba an’izany, satria mahalala Jesosy maro aho; mahafantatra azy ireo tany Afrika sy toerana samihafa, olona nantsoina hoe Jesosy. Fa ianareo raha hampiasa ny tenin’i ‘Jesosy Kristy Tomponsika,’ dia handeha hiaraka aminareo amin’izany

aho. Tena tsara izany. Hanohana anareo aho. Heveriko fa ianareo dia tokony hametraka ‘Ray, Zanaka, ary Fanahy Masina’ amin’ny voalohany, hitanareo, mba hahamarina an’ilay izy.” Hoy aho hoe, “Heveriko fa tokony hametraka ianareo.”

Saingy hoy izy hoe, “Oh, tsia, tsia! Izany, izany dia mbola trinite indray.”

Hoy aho hoe, “Tsy trinite ilay izy. Ilay izy dia Andriamanitra anankiray ao amin’ny asa telo.”

²⁵⁷ Tsy trinite ilay izy, Andriamanitra telo. Tsy manana Andriamanitra telo isika. Tsia tokoa. Tsy misy zavatra tahaka an’izany. Tsy nampianarina ao amin’ny Baiboly izany. Ary Andriamanitra anankiray ihany no misy. “Henoinao, O Isiraelly, Izaho no Tompo Andriamanitrareo.” Andriamanitra Anankiray! Didy voalohany, “Tsy hanana andriamanin-kafa ianareo eo Anatrehako.” Izany tokoa. Andriamanitra anankiray Izy, tsy telo.

²⁵⁸ Izany dia dikan-teny Katolika ny amin’izany; ary izany dia notarihina avy tao amin’ny Katolika nankao amin’ny Loterana, sy ny nanaraka, sy ny sisa, ary izany no inoana amin’ny ankapobeny eo anivon’ny olona ankehitriny fa manana Andriamanitra telo isika.

²⁵⁹ Ary eo ianareo no tsy... Tsy handeha ho any amin’ny Jiosy mihitsy ity Filazantsara ity... Izay, nilaza mialoha aho indray maraina tamin’ny misionera Jiosy anankiray tany. Tsy hitondra Andriamanitra trinite amin’ny Jiosy anankiray mihitsy ianareo. Tsy hahavita an’izany mihitsy ianareo. Sady, tsy izany izy; manana fahatsapana tsaratsara kokoa noho izany izy. Hitanareo, mahafantatra betsaka mikasika ny Baiboly noho izany izy. Fa Izy dia tsy Andriamanitra anankitelo mihitsy, ho an’ny—ho an’ny Jiosy. Raha hampahfantatra azy ianareo fa Izany dia ilay Jehovah ihany, dia handray an’izany avy hatrany izy. Azo antoka! Izany ilay izy, hitanareo.

²⁶⁰ Ary mino an’ity rehetra ity aho. Tahaka an’i Josefa nanao hoe, “Ry rahalahy, aza sosotra ny amin’ny tenanareo, satria Andriamanitra no nanao an’izao,” hitanareo. Satria—satria ilay zavatra izay... Mba hahatonga an’ilay izy hiandry hatramin’izao fotoana izao, izay ihany, satria ny taonantsika Jentilisa dia efa saiky hifarana. Ankehitriny, izaho dia mino an’izany amin’ny fontsika rehetra. Noho izany hitanareo ve, ry rahalahiko? [Hoy ny fiangonana hoe, “Amena.”—Mpand.] Miezaka aho ny hikendry zavatra, fa, io vondron’olona io, ireo lehilahy izay manana ny batisan’ny Fanahy Masina.

²⁶¹ Ny vondron’i Aimee McPherson, inona no nataony? An’ny Tokana izy aloha, mino aho; avy eo nivoaka ary lasa Assemblée; avy eo voaroaka ka nandamina ny tenany ho hafa; eto vao tsy ela akory, dia nanao vondrona kely anankiray, zavatra kely anankiray.

²⁶² Nipetraka tao amin'ny fivoran'i O. L. Jaggers aho. Ankehitriny, isika rehetra dia mahafantatra an'i O. L. Jaggers. Ny—ny rainy dia nanampy nanorina ny Filankevitra Ambonin'ny Assemblées de Dieu. Ankehitriny, O. L. dia lehilahy malaza anankiray. Mpitoriteny malaza anankiray izy. Niresaka taminy aho, vao tsy ela, hoy aho hoe, "Rahalahy Jaggers, raha afaka nitory teny tahaka ny anaovanao azy aho, dia tsy hanana asa fanasitranana mihitsy aho." Fa banana an'ireo rà rehetra sy divay izy, ary ny sisa, rehefa nanomboka voalohany tany izy.

²⁶³ Miala tsiny aho, raha mandratra ny fihetseham-ponareo aho, ry rahalahy, amin'izany. Izaho—izaho... Tsara daholo izany. Afaka manao rà ho tonga Andriamanitra, divay ho tonga, na menaka ho tonga, na inona na inona Tiany, fa tsy manaoana ny heloka izany. Tsia, tompoko. Tsia, tompoko. Tsia, tokoa. "Tsy hamery ny Heriny mihitsy ny Ràn'i Jesosy Kristy, mandra-pahavoavonjin'ilay Fianganan'Andriamanitra voavotra, mba tsy hanota intsony."

²⁶⁴ Hoy aho hoe, "Rahalahy Jaggers?" Nentiko izy; nantsoiko izy. Ary niaraka tamin'ny Christian Business Men aho. Ary hoy aho, hoy aho hoe, "Rahalahy O. L.?"

²⁶⁵ Hoy izy hoe, "Fa mba aiza ianao?" Tao amin'ny tranombahiny kely mora anankiray aho tany. Ary hoy izy hoe, "Ny tianao lazaina amiko ve dia hoe napetrak'izy ireo ao ianao?"

²⁶⁶ Hoy aho hoe, "Izany no faniriako. Rehefa tonga any aminareo aho," hoy aho hoe, "inona no nataonao? Napetrakareo tany amin'ny Statler Hotel tany aho, ary tsy maintsy nijoro teny amin'ny zorony aho. Napetrak'izy ireo teo amin'ny latabatra aho; tsy haiko hoe antsy inona no hampiasaiko, na zavatra hafa. Ary izaho tsy... Nandeha tany aho, tsy nanao palitao, ary tian'izy ireo ho roahina aho." Ary hoy aho hoe, "Izaho—izaho tsy mahafantatra hoe ahoana no hikarakaroko ny tenako."

Hoy izy, "Ho entiko any ianao, raha toa ka mahantra loatra tsy afaka manao an'izany izy ireo."

²⁶⁷ Hoy aho hoe, "Tsia, tompoko." Hoy aho hoe, "Ny zavatra tiako dia ny haka hena endasina anankiray miaraka aminao, raha haloanao izany."

Ary hoy izy hoe, "Eny àry."

²⁶⁸ Arak'izany dia nandeha teo amin'ny toerana anankiray izahay, ary nipetraka izahay. Ary hoy aho hoe, "Rahalahy Jaggers, izaho dia mankasitraka tokoa ny..."

²⁶⁹ Ary izy dia tena sakaiza malalako, rahalahy sarobidy. Ary izaho—izaho dia nanana ny boky keliny, ary izy...izay nananany an'ilay vehivavy vao tonga teto avy tany ivelany, izay nanana an'ilay rà teo amin'ny tânany, sy ny sisa. Koa nanana an'ilay izy aho teto. Tiako fotsiny izy mba handà an'ilay izy

indray mandeha, ary tamin'izay dia nananako mihitsy ilay izy teo amin'ny—teo amin'ny taratasiny, fantatrareo.

²⁷⁰ Hoy aho hoe, “Voatsikaritro hoe aiza no hanohizanareo, hanananareo, hanombohanareo fifohazana lehibe anankiray.” Satria, ny Business Men no efana nanana ahy tany, mazava ho azy.

²⁷¹ Tahaka an'izay tokony ho fantatry ny olona. Raha afaka manambara eny amin'ny lampihazo ny Fanahy Masina, tsy ho afaka hiteny amiko ve Izy hoe inona no miseho any amin'ireo toerana, ry rahalahy? [Hoy ny fiangonana hoe, “Amena.”—Mpand.]

²⁷² Azoko lazaina aminareo, ara-bakiteny, sy porofoina izany amin'ny alàlan'ny Rahalahy Carlson, ary ity rahalahy *eto* ity. Nipetraka tao amin'ilay favoriana aho, omaly, ary niteny tamin'ireo rahalahy ireo hoe inona no hisy izao maraina izao. [Hoy ny rahalahy anankiray hoe, “Eny, tompoko.”—Mpand.] Marina izany. Marina tokoa. [“Amena.”] Hitanareo? Satria, namoha ahy ny Fanahy Masina, ary nanao hoe, “Mijoroa eo akaikin’ny varavarankely.” Nijery aho, ilay varavarankely, ary Izy no naneho ahy tanteraka mihitsy an’io. Hoy aho hoe, “Ankehitriny, ry rahalahy...” [Hoy ny rahalahy anankiray hoe, “Marina izany.”] Nasehoko anareo io, tena marina. Izay! Hitanareo?

Nahoana, tokony ho fantatr’izy ireo ilay izy.

²⁷³ Teto vao tsy ela akory izay, nitsangana ny lehilahy anankiray, teto tao Chautauqua, ka hoy izy, “Rahalahy Branham dia mpaminany.” Tsy milaza ny tenako ho mpaminany aho. Hitanareo? Fa hoy izy hoe, “Rahalahy Branham dia mpaminany rehefa eo ambanin’ny Fanahin’ny famantarana izy, saingy,” hoy izy, “oh, ny Fampianarany dia poizina. Mitandrema tsara amin’Izany.” Nieritreritra aho, lehilahy nianatra anankiray ve, no hiteny zavatra tahaka an’izany?

²⁷⁴ Inona no dikan’ny hoe *mpaminany*? “Mpandika avy amin’Andriamanitra ny Teny.” “Ny Tenin’ny Tompo dia tonga tamin’ny mpaminany,” hitanareo. Fa, izany fotsiny, sady tsy misy ho lazaina eto izany.

²⁷⁵ Fa, na izany aza, Rahalahy Jaggers. Ary hoy aho hoe, hoy izy, oh... Hoy aho hoe, “Hitako ny mikasika an’io vehivavy izay nanana an’ilay rà teny amin’ny tânany io.”

²⁷⁶ “Oh,” hoy izy hoe, “Rahalahy Branham, izany no zavamahagaga indrindra mbola tsy hitanao hatramin’izay!”

²⁷⁷ Hoy aho hoe, “Rahalahy Jaggers, tiako ianao. Voalohany, tiako ny hametraka ny tânako eo amin’ny anao. Ndaô isika hilaza fa mpirahalahy isika.”

Hoy izy hoe, “Azo antoka. Inona ny olana?”

²⁷⁸ Hoy aho hoe, “Ianao no anankiray amin’ireo mpitory teny mahery izay fantattro. Tena—tena fitaovana anankiray toy inona ho an’Andriamanitra tokoa ianao!”

²⁷⁹ Hoy izy hoe, “Misaotra anao, Rahalahy Branham. Tena manetry tena marina ianao.”

²⁸⁰ Hoy aho hoe, “Tsy miteny an’izany aho mba hanetry tena. Miteny an’izany aho satria mino an’ilay izy aho. Mpanompon’Andriamanitra ianao.” Saingy hoy aho hoe, “Rahalahy Jaggers, raha mbola ianao...Ianao dia—ianaо dia lasa lavitra loatra; tsy manana fandanjalanjana ianao ny amin’izay resahinao. Ianao dia mifototra...”

²⁸¹ Ary io ilay olana amin’ny maro aminareo Assemblées de Dieu, sy ny lehilahy hafa, eo amin’ireo asa fanasitranana ireo. Tsy manome tsiny anareo aho. Misy betsaka ireo antsoina... Ary Tommy, eto, dia rahalahy tsara, ary fantatsika hoe toy ny inona ny fihazonany mafy. Saingy misy betsaka eto amin’ny firenena ankehitriny no eo ambanin’ny anarana hoe fanasitranana avy amin’Andriamanitra, tsy mahagaga raha tsy te-hanohana favoriana anankiray ianareo eto amin’ny tanàna. Tonga izy ireo dia mitsentsitra ny olona, ary lasa. Inona no azon’izy ireo? Tsy manome ho an’ny olona afa-tsy izay ataonareo avy eny amin’ny lampihazo izy ireo, avy eny amin’ny polipitranareo manokana. Ary marina ny anareo, ry rahalahy. Lazaike anareo, marina ny anareo. Saingy izy fotsiny dia tahaka... .

²⁸² Namaky ny tantaran’i Martin Luther aho. Hoy izy io hoe, “Tsy zava-miafina anankiray raha nanohitra ny fiangonana Katolika i Martin Luther, ary niala tamin’izany.” Namaky ny tantarany ianareo. “Fa io Martin Luther io dia afaka nihazona ny lohany teo ambonin’ireo hafanam-po rehetra izay nanaraka ny fifohazany, izany no zava-miafina.”

²⁸³ Ary rehefa vita ilay zava-mahagaga, dia manaraka ilay tsy mifora, tahaka an’izay tany Egypta mihitsy. Ary izany foana no niteraka ny olana teo amin’ny firenena. Fantatsika izany, rehefa tonga any isika. Dia, nitsangana i Kora, ary tsy maitsy nandringana an’ilay izy Andriamanitra. Fa, ry rahalahy, tsy manome tsiny anareo aho.

²⁸⁴ Nipetraka teo Rahalahy Jaggers ary niezaka niteny tamiko fa izany no Fanahy Masina izay manao an’izany. Ary hoy izy... Ary avy eo aho nanana, tao amin’ny taratasiny manokana... Hoy aho hoe, “Rahalahy Jaggers, ankehitriny,” hoy aho hoe, “Izaho dia mpiantry ny kilasy fahafito. Ary ianao dia Dokoteran’ny amin’ny Maha-Andriamanitra, ary nianatra mba ho mpisоловava. Ianao dia notezaina tao amin’ny fiangonana madio, mihaja, ny Assemblées de Dieu. Ny rainao dia nanampy nanorina an’izany finoana izany. Ary nisaraka ianareo, miankina aminao izany.” Fa hoy aho hoe, “Miankina amin’ny olona tsirairay izany, izay te-hanao an’izany. Tsy

hanoritra tsipika eo aho. Saingy rehefa tonga eo amin'ny toerana anankiray izany izay fitaovana anankiray tahaka anao, izay afaka mahazo fanahy an'arivony ho an'i Kristy, no hanorina ny asam-panompoanao eo ambonin'ny fihetseham-po anankiray.” Hoy aho hoe, “Rahalahy Jaggers, manorina andry anankiray tahaka an’izao ianao, raha tsy manana fandanjalanjana ho an’izany ianao, dia hianjera izany afaka kelikely. Ary tsy maintsy manana Soratra ianao ho an’izay resahanao.”

Hoy izy hoe, “Misy ny Soratra.”

Hoy aho hoe, “Avohay izany.”

²⁸⁵ Hoy izy hoe, “Eny, Rahalahy Branham,” hoy izy, “izany dia ny Fanahy Masina no manao an’izany.”

²⁸⁶ Hoy aho hoe, “Asehoy ahy ny Soratra izay Nilazany, fa ny Fanahy Masina dia efa mba nanao ny rà hivoaka eo amin’ny olona, sy ny sisa, tahaka an’izany. Asehoy fotsiny izany; menaka niraraka avy tao amin’izy ireo. Hoy ianao hoe, ‘Io menaka io no ho an’ny fanasitranana avy amin’Andriamanitra.’ Ary hoy ianao hoe, ‘Io ràm-behivavy io no ho famonjena ny firenena.’” Hoy aho hoe, “Raha izany no izy, dia inona àry no mitranga amin’ny Ràn’i Jesosy Kristy? Izany no manaisotra. Ary ny zavatra rehetra manohitra an’Izany, dia anti. Io dia manohitra an’Izany.” Hoy aho hoe, “Lasa fampianaranana antikristy anankiray ilay izy.”

“Oh,” hoy izy hoe, “Rahalahy Branham, hianatra ianao indray andro.”

²⁸⁷ Hoy aho hoe, “Manantena aho fa tsy hianatra tahaka an’izany mihitsy aho. Ankehitriny, ry rahalahy,” hoy aho hoe, “Tiako ianao, ary rahalahiko ianao.” Ary hoy aho hoe, “Rahalahy Jaggers, hahazo rantsan-kazo anankiray ianao, afaka kelikely, izay tsy hahafahanao hivoaka intsony. Miverena any amin’ny fiangonanao, ary miverena ka mijoroa miaraka amin’ny Filazantsara.” Ary hoy aho hoe, “Aza manorina an’izany eo ambonin’ny fihetseham-po.” Hoy aho hoe, “Ny...”

²⁸⁸ Ankehitriny izy dia, manao batisa ho an’ny Fiainana Mandrakizay izy, fantatrareo, “Isaky ny manao batisa ianareo, dia miverina ho vehivavy sy lehilahy tanora ianareo. Ankehitriny izany dia ho... Ianareo dia tsy ho faty (mihitsy).” Koa, izany, ilay izy, eo amin’ny faran’ilay rantsan-kazo mihitsy izy ankehitriny; sy ireo “pilina vitamina nalaina tao amin’ilay Ranomasina Maty.” Hitanareo? Fa izany ilay izy, ry rahalahy, manomboka eo amin’ireo fihetseham-po kely ianareo.

²⁸⁹ Ary ianareo lehilahy eto ireo izay manana an’ireo fiangonana ireo, avelanareo hiditra eto amin’ny tanàna ny zavatra tahaka an’izany, ary, fantatrareo, fa fetsy ny devoly, ary izy—izy dia mitsambikina eo amin’ireo zavatra tahaka an’izany ireo. Korontaniny izany. Ary izy—izy dia manao ny olona hivadika, ary miteraka fifanjevoana ao amin’ny fiangonana izy, sy ny sisa. Fa tsy izany ilay izy.

²⁹⁰ Ankehitriny, eto. Tsy mampaninona na marina toy ny inona ianareo, ity ny zavatra tokana izay mahadiso antsika sy tsy takatsika, ry rahalahiko. Ankehitriny mamarana aho, amin'ny filazana an'izao. Tsy mampaninona na marina toy ny inona aza aho, ary na ara-tsonatra toy ny inona aza aho, ary na firy no fantatra mikasika ny Baibolin'Andriamanitra; raha tsy manana ny Fanahin'Andriamanitra aho, ny fitiavana, ao amin'ny foko, ho an'ny taranak'olombelona manontolo sy ny rehetra, amin'izay fotoana izay aho dia diso teo am-panombohana.

²⁹¹ Ankehitriny, hoy i Paoly, ao amin'ny Korintiana Voalohany 13, "Na dia manana ny fahalalana aza aho, hitanareo, ka mahalala ny zava-miafin'Andriamanitra rehetra, hitanareo; ambanin'ny rehetra, mijoro; ka tsy manana fiantrana, dia tsinontsinona aho. Ary na dia miteny amin'ny fitenin'ny olona sy ny anjely aza aho," izany dia ireo izay iresahanareo amin'Andriamanitra, ary ireo izay tsy hay adika foana. "Na dia miteny amin'ny fiteny tsy fantatra aza aho, tena fitenin'olona marina sy anjely, ka tsy manana fiantrana, fitiavana, dia tsy mahaso na inona na inona amiko izany." Koa raha mahafantatra ny zava-miafin'Andriamanitra rehetra aho, ka afaka mamahavaha azy ireny sy—sy manao azy rehetra hitambatra, ka tsy manana fitiavana aho, inona no soa ataon'izany? Ary rehefa izaho . . .

²⁹² Hoy Jesosy hoe, "Izao no hahafantaran'ny olona rehetra fa Mpianatro ianareo, rehefa ianareo no manana . . ." rehefa ny Assemblées no manana fitiavana ny an'ny Tokana, ary ny an'ny Tokana manana fitiavana ny Assemblées, "rehefa manampitiavana ianareo, ny iray amin'ny anankiray," na marina na diso. Ary raha mbola diso foana ilay tanjona, diso ilay antony, raha ny marina, amin'izay fotoana izay ianareo dia diso teo am-panombohana. Tsy marina ve izany? [Hoy ny fiangonana hoe, "Amena."—Mpand.] Hitanareo, "Na dia miteny amin'ny fitenin'ny olona sy ny anjely aza aho, ka tsy manana fiantrana, dia mbola tsinontsinona aho." Satria, Andriamanitra dia fitiavana. Fantatsika izany.

²⁹³ Ary izaho dia mino ny miteny amin'ny fiteny tsy fantatra. Ankehitriny, nisy olona nanao hoe, "Rahalahy Branham dia tsy mino ny fahamarinana tany am-boalohany." Tiako ny hanao an'izany ho mazava miaraka aminareo ankehitriny. Hitanareo? Tiako ny hiteny aminareo.

²⁹⁴ Izaho dia mino fa rehefa mandray an'i Kristy ny olona anankiray, dia mandray ampahany anankiray an'ny Fanahy Masina izy. Satria, hoy Jesosy, ao amin'ny Matio ny—ny toko faha-12, ao amin'ny toko faha-5 sy roapolo—. . . ny andininy faha-24, hoy Izy hoe. Tsia, mino aho fa Masindahy Jaona 5:24 ilay izy. Hoy Izy hoe, "Izay mandre ny Teniko, ka mino Azy izay naniraka Ahy, no manana ny Fiainana Mandrakizay." Ankehitriny, endrika Fiainana Mandrakizay tokana ihany no

misy. “Ary tsy ho tonga ao amin’ny fanamelohana; fa tafafindra avy ao amin’ny fahafatesana ho amin’ny Fiainana.”

²⁹⁵ Ankehitriny, izaho dia mino fa tsy misy olona afaka miantso ny tenany; Andriamanitra no tsy maintsy miantso azy. Ary raha Andriamanitra no tena niantso azy... Ary misy olona betsaka, fantatsika, ry rahalahy, izay taitaitra ka mihevitra fa Andriamanitra no niantso azy, saingy ny fiainan’izy ireo tsy ho ela... hahita, hahita an’izany ianareo. Fa raha Andriamanitra no niantso anareo, nahoana, ianareo dia, ho eo ianareo, ary hijanona eo ianareo, hahita, hahafantatra. Ary avy eo raha... Ankehitriny, tsy fampianarana Batista izany. Fantatrareo izany, hitanareo.

²⁹⁶ Fa, izaho dia tsy mino fa ny fifandraisantànana dia mahazo ny antoka Mandrakizay, sy ireo karazany rehetra ireo. Izaho—izaho dia tsy mino an’izany, mihitsy. Raha te-hino an’izany izy ireo, eny, tsara izany. Mbola hilaza foana aho hoe rahalahiko izy ireo.

²⁹⁷ Izao maraina izao, raha hangataka mofo misy voankazo singany iray aminareo aho, (efa saiky fotoan’ny sakaf hariva izao), mety ho tia serizy aho, ary ianareo mety haka paoma, saingy samy mihinana mofo misy voankazo isika. Hitanareo? Koa izany dia tsy manao... raha mbola mihinana mofo misy voankazo foana isika.

²⁹⁸ Izany no fomba inoantsika. Raha te-ho an’ny Tokana ianareo, aoka ho an’ny Tokana; raha te-ho Assemblée de Dieu ianareo, aoka ho Assemblée de Dieu. Raha te-ho inona na inona ianareo, Batista, Presbyterana, aoka ho Kristiana anankiray ao amin’izany. Hitanareo?

²⁹⁹ Ary—ary ny tenanareo no aoka handinika an’izany, fa aza mifamaly amin’ny hafa. Satria, ireo zavatra kely ireo, dia mifampiditra miaraka avokoa. Marina izany. Mifampiditra miaraka ireo ary tonga eo amin’ilay toerana anankiray.

³⁰⁰ Ary—ary tsy mampaninona izay ataontsika, na fahagagana firy no azontsika hatao, na tendrombohitra firy no azontsika afindra, na inona izany na inona; mandra-pahatongantsika eo amin’ny toerana anankiray izay tiavantsika, tsy sarintsariny, fa mifankatia isika. Rehefa tiantsika ny rahalahy rehetra, tsy mampaninona izay fiangonana misy azy, tia azy isika; tsy mody manao fotsiny isika, satria hevitra ara-pivavahana izany, izany dia, “Nasaina ataontsika izany.” Fa, satria manao an’izany isika, dia mifankatia isika; noho izany, fiaretana, mifampahazaka.

³⁰¹ Ary mino aho, ao amin’ny Kolosiana 3, eo amin’ny 9, any ho any ao amin’io... Izaho mety, izaho—izaho tsy... Mety ho diso ao amin’ny Soratra aho, fa milaza an’io Izany. Rehefa lasa Kristiana anankiray isika, dia tsy tokony hialona isika. Hitanareo? Tsy afaka hanana finoana isika rehefa miezaka isika ny hifanome haja sy voninahitra. Hitanareo,

tsy afaka manao an'izany isika; tsy afaka banana finoana isika. Tsy maintsy manome voninahitra an'Andriamanitra isika, hitanareo, manome voninahitra Azy. Mino ny rahalahiko, azo antoka, fa fitiavana; saingy ny haja sy ny voninahitra kosa dia an'Andriamanitra! Ary ny amin'ny... Fa manàna finoana sy fitokiana ao amin'ny tsirairay. "Ary aza mifandainga." Hitanareo? "Aza mifandainga." Raha miteny aminareo aho izao maraina izao hoe, "Tiako ianareo," tsy maintsy manao an'izany aho. Raha tsy izay ilay izy, dia mpihatsaravelatsihy anankiray aho. Tena marina izany.

³⁰² Ankehitriny, ry rahalahy, eo amin'izay faritra izay.... Ankehitriny, Rahalahy Tommy, antenaiko fa tsy nitazona be loatra aho eto. Izaho... Manana zavatra ho lazaina Rahalahy Tommy ao anatin'ny iray segondra monja. Saingy afaka miteny an'izao aho, rehefa tonga teo afovoanareo aho....

³⁰³ Izaho dia mino an'izao. Izaho dia mino fa Andriamanitra Raïntsika no nanaloka virijiny anankiray nantsoina hoe Maria, ary namorona tao anatiny selan-dRà anankiray izay nitondra an'i Jesosy Kristy, izay ny Zanak'Andriamanitra, ilay tabernakely nanaronan'Andriamanitra ny Tenany, tao amin'ny nofo, naneho ny Tenany teo anivontsika. "Andriamanitra no tao amin'i Kristy, nampihavana an'izao tontolo izao tamin'ny Tenany." Izaho dia mino fa izany selan-dRà izany no nopotehina teo Kalvary, mba ho famelana ny otantsika. Ary ilay Fanahy dia nivoaka avy tao Aminy ka niverina eo amin'ny Fianganana, satria, ilay Kristy, ilay Fanahy Masina; ilay Kristy, ilay Logos, no tao amintsika ankehitriny, ilay Fanahy Masina, tamin'ny alàlan'ny batisa. Manao antsika... Kristy no nizarazara ny Tenany, nanome ny Ainy ho an'ny tsirairay amintsika, mba isika, amin'ny maha-vondron'olona anankiray, no tokony ho Fianganon'Andriamanitra. Ary vao tsy ela akory izay....

³⁰⁴ Nitaingin-tsoavalys aho taloha. Fantatrareo izany. Ny raiko dia mpitaingin-tsoavalys, tena mahay. Nitaingin-tsoavalys aho taloha. Izahay dia niandry ny-ny... tao amin'ny Arapaho Valley, na ny tiako ho lazaina dia ny Troublesome River, any Arapaho Range any. Ny Hereford Association no mampiraoka ahitra amin'io lohasaha io. Ary eo ambonin'io lohasaha io, ireo mpiandry, izy ireo-izy ireo dia manana ahitra betsaka izay azon'izy ireo ampaniriana. Ary rehefa ny tany anankiray no hamokatra mololo hatrany amin'ny taonina iray, dia afaka mametraka ombivavy anankiray ianareo eo amin'ilay—eo amin'ilay ahi-maitso, ao ambanin'ny Estes Park any, ary afaka mametraka ombivavy anankiray ianareo eo amin'ireo ahi.... Ny tany lehibe fihazàko, ao amin'izany. Ary niandry omby tany aho nandritry ny herintaona. Mbola mankany aho, amin'ny Lohataona sy Fararano, rehefa malalaka aho ka afaka, ary manao ny fanangonana, mba ho eny ambony eny fotsiny, satria tiako ny mitaingin-tsoavalys. Ary ny ambony-sy-ambany

rehetra an'ilay tan- . . . ilay lohasaha, dia misy andiana mpiandry omby izay manana alàlana hiditra ao, ary mampiraoka ahitra an'ireo bibiny. Ary amin'ny andro Lohataona, imbetsaka, aho no nanampy azy ireo hamory miaraka ny biby ary mitondra azy ireo any.

³⁰⁵ Ary misy fefim-biby anankiray eo, izay tsy hahafahan'izy ireo hiverina eo amin'ilay tany misy tompony, midina eo amin'ilay faritra. Mandra-paha . . . Ary mijoro eo ilay mpiandry ary manisa an'ireo biby rehefa miditra izy, rehefa miditra izy ireo. Ary nipetraka aho, andro maromaro, isan'ora; mandinika ny andiany an'Atoa. Grimes mandalo, nanana an'ilay Diamond Bar izy; ny anay dia ny Turkey Track; ary izy ireo nanana ny—ny Tripod teo ambaninay teo mihitsy; ary ny Jeffrey, sy ny sisa. Avy eo rehefa apetrako ny tongotro, tahaka ny ahafantaran'ny maro aminareo, eo ambonin'ny lohan'ilay lasely, ary nipetraka teo dia nandinika an'ilay mpiandry raha nitsangana teo izy, nanisa an'ireo biby.

³⁰⁶ Nahatsikaritra zavatra anankiray aho. Tsy niraharaha firy an'ilay marika izay teo aminy izy. Fa nisy zavatra anankiray izay tena notadiaviny, izany dia ilay baoritry ny rà. Tsy maintsy taranaka Hereford anankiray ilay izy fa raha tsy izany dia tsy afaka mandalo eo amin'ilay fefy izy, fa ilay marika dia tsy nampisy fahasamihafana betsaka.

³⁰⁷ Ary mieritreritra aho fa izany no fomba izay hisy amin'ny Fitsarana. Tsy handeha hijery izay marika antsika Izy, fa hijery an'ilay baoritry ny Rà Izy,

³⁰⁸ Nanao ny fahadisoako aho, ry rahalahy, ary nanao zavatra betsaka izay diso aho. Ary raha toa ka teny an-dàlana aho ka nitondra, na nandre ianareo zavatra izay mety nomarihako na nolazaiko, izay nanome karazana fahatafintohinana, na raha niteny zavatra aho izao maraina izao izay nanome fahatafintohinana, mangataka aminareo aho, amin'ny mahakristiana rahalahy na anabavy, mameù ahy. Tsy te-hanao an'izany aho. Namoaka ny foko taminareo fotsiny aho, mba hahafantantsika.

³⁰⁹ Raha misy batisa tokony hatao, ianareo rahalahy ataovy izany, ianareo ihany, hitanareo. Izany dia, izaho—izaho tsy manao. Raha nanao aho, dia izany no fomba hanaovako batisa, anankiray tahaka an'izany. Ary ny tsirairay aminareo dia afaka maka an'izany, hitanareo. Koa ianareo dia afaka maka an'ilay olona, izy ireo dia natao batisa tamin'ny Anaran'ny Ray, Zanaka, sy Fanahy Masina, ary izy ireo dia natao batisa tamin'ny Anaran'ny Tompo Jesosy Kristy, ihany koa. Koa raha mba manao batisa anankiray aho . . . fa tsy mbola nanao an'izany aho. Izaho dia manao batisa ao amin'ny fiangonako manokana fotsiny, ary izany dia ny olona ao fotsiny. Ary izany no fomba nanaovana batisa ny olona ao amin'ny fiangonako. Ary raha mijery any

aoriana ianareeo, dia izany no fomba fanaon'ny Missionary taloha, ilay fomba fanaon'ny Missionary Baptist taloha. Ary ankehitriny raha . . . Izay ny amin'izany.

³¹⁰ Mino ny fanasitranana avy amin'Andriamanitra aho. Mino ny batisan'ny Fanahy Masina aho. Izaho dia mino ny—ny Fanahy Masina miteny amin'ny fiteny tsy fantatra. Izaho dia mino ny fanomezam-pahasoavana rehetra izay nomen'Andriamanitra ho an'ny Fianganany. Momba an'izy ireny aho, zato isan-jato. Fa izaho dia mino . . .

³¹¹ Izaho dia tsy momba an'io fanasitranana ara-pihetseham-po maro be eto io izay ananantsika ankehitriny. Tiako fotsiny ny hametraka fanamarihana eto. Indray andro izay dia nisy rahalahy anankiray . . . Ary tsy ny Rahalahiko sarobidy Tommy Hicks izany, izay raisiko ho mpanompon'i Kristy marina. Nisy lehilahy hafa anankiray tany amin'ny firenena hafa iray, ary tao amin'izany tanàna izany dia nisy a . . . Izy fotsiny dia, hatramin'izay, "Mpanasitran'Andriamanitra ara-pihetseham-po! Mpanasitranara ara-pihetseham-po," fantatrareo, tahaka an'izany.

³¹² Ary nahazo taratasy aho taorian'io lehilahy io nanana . . . avy amin'ny fiangonana Loterana. Ary ny mpitan-tsoratro eto dia mahafantatra fa manana an'izany izahay ao amin'ny antontantaratasy. Tsy hilaza ny anaran'ilay lehilahy aho, satria tsy fanao Kristiana izany. Na dia, tsy manaiky ny hevitr'ilay lehilahy aza aho, saingy tena mety tanteraka izany. Tiako izy. Rahalahiko izy.

³¹³ Fa tonga teo amin'ny faritra anankiray fotsiny ilay izy izay tsy maintsy hananan'izy ireo karazana fihetseham-po, na nanaitairana an'ilay izy, na zavatra hafa tahaka an'izany, hitanareo. Ary, izany, izany dia tsy tsara, hitanareo. Rahalahy . . . "Ny fampiasana ny vatana dia mahavita kely ihany."

³¹⁴ Ary noho izany ity mpitoriteny Loterana ity dia nanoratra ho an'io mpitoriteny io ny—ny—ny taratasy anankiray. Ary hoy izy hoe, "Ianareo evangelista Amerikana izay tonga eto," hoy izy, "miaraka amin'ny fanasitrananareo ara-pihetseham-po ho an'ny rehetra!"

³¹⁵ Ary ankehitriny izany dia toy ny hoe fehezam-boninkazo kely anankiray amiko, saingy Andriamanitra no mahafantatra fa izaho tsy manao an'ilay izy amin'izany fomba izany. "Fa," hoy izy hoe, "rehefa—rehefa maty i Deborah Stadsklev kely, ilay zazakely, ary ilay reny nitsangana teo tamin'izany andro izany tany India— . . . tany California, izay nahafaty an'ilay zazakely, izay nangatsiaka. Ary nahita . . . nametraka an'ilay zazakely teny an-tsandrini'ny Rahalahy Branham, ary izy nitsangana teo ka nivavaka ho an'izany. Ary nanomboka nikiakiaka sy nitsipatsipaka ilay zazakely; ary naveriny taminy izany."

³¹⁶ Izy koa dia nahafantatra ny momba an'ilay Mexican. Izay, isika dia afaka miankina amin'ilay filazan'ny Full Gospel Business Men. Tsy maintsy manana zavatra izay voalaza mazava avy amin'ny dokotera ianareo. Rehefa maty io zazakely Mexican io tamin'izany maraina izany, tamin'ny sivy marina, ary ity dia tamin'ny iraika ambin'ny folo marina tamin'io alina io. Nanoratra ny filazany ny dokotera. Rahalahy Espinoza, izay maro aminareo rahalahy Assemblée de Dieu no mahafantatra, izy no anankiray izay nanao an'io filazana avy tamin'ny dokotera io, fa maty izy.

³¹⁷ Ary nahita fahitana anankiray aho teo ambonin'ny olona; rehefa tonga teo amin'i Kristy ny olona Katolika roa alina, tao Mexico City. Hoy aho hoe, "Aza mandray an'izany fotsiny ianareo. Izaho tsy mahafantatra, io zazakely io... Nahita fahitana anankiray fotsiny aho teto."

³¹⁸ Ary teo i Billy, niezaka, niaraka tamin'ny mpampiditr'olona telopolo na efapolo, tsy afaka nanakana an'ilay vehivavy kely tsy hiditra tao amin'ilay laharam-bavaka, niaraka tamin'ilay zazakely. Nandeha teo anelakelaky ny tongotr'izy ireo izy, sy ny sisa. Noho izany, farany, naniraka an'i Jack Moore nidina aho. Hoy aho hoe, "Mandehana, mivavaha ho azy."

³¹⁹ Nijery teo aho, ary nahita zazakely Mexican anankiray nitsiky. Hoy aho hoe, "Andraso iray minitra. Ento eto izy." Hitanareo? Ary rehefa nametraka ny tànako teo amin'ilay bodofootsy aho... Nanorana be mihitsy tamin'izany, nandritry ny andro. Ary izy ireo dia nijoro teo hatramin'ny vao maraina tamin'io maraina io, ary izany dia tokony ho teo amin'ny iraika ambin'ny folo marina teo tamin'io alina io. Ary napetrako ny tànako teo ambonin'ilay zazakely. Nanomboka nitsipatsipaka izy ary nibadabada. Ary nanomboka nihiakiaka izy ireo.

³²⁰ Koa, nentin'izy ireo nidina izy ary naka an'ilay filazana. Nandeha tany amin'ilay dokotera, ary hoy ilay dokotera hoe, "Nambarako fa maty ilay zazakely, androany maraina tamin'ny sivy marina. Matin'ny aretin-tratra izy." Hitanareo? Ary noho izany ireo zavatra ireo dia—dia—dia marina. Filazana izy ireo. Tsy maintsy ho izany ilay izy.

³²¹ Isika dia tsy maintsy marina sy mahatoky amin'ny zavatra rehetra. Aza manao an'ilay izy ho... Avelao fotsiny ilay izy ho araka ny maha-izy azy. Avelao ilay izy... Andriamanitra dia tsy mila fanampiana amin'inona na inona. Hitanareo, Izy—Izy—Izy no Andriamanitra.

³²² Koa izao no nolazainy ankehitriny, "Fa rehefa niantso andRahalahy Branham io reny io tany Amerika, nitomany taminy tamin'ny telefonina, 'Tongava aty dia atsangano ny zanako kely!' Ary ny Governemantan'ny Etazonia..."

³²³ Ny vadiny dia pretra tao amin'ny Tafika. Ary ianareo rehetra dia mahafantatra an'i Julius, maro aminareo no mahafantatra; nanoratra ny bokiko, *Mpaminany Iray Mitsidika An'i Afrika*.

³²⁴ Ary io reny mahantara Norveziana io, nihiaikiaka, tamin'ny faran'ny feony, hoy izy, "Ranadahy Branham, nitsangana teo aho rehefa velona ilay zazakely!" Hoy izy, "Izahay dia mino anao ho mpanompon'i...i Kristy." Hoy izy, "Avia, apetraho eo ambonin'ny zanako ny tānanao, dia ho velona izy." Vao avy maty tao anatin'ny fotoana iray na roa, niaraka tamin'ny aretin-tratra; narary nandritry ny ora efatra, dimy.

³²⁵ Ary ireo lehilahy ireo dia nanodidina teo, nihorakoraka sy nihiaikiaka, ary nitsambikina ambony-sy-ambany, nanao hoe, "Hanangana azy Andriamanitra! Hanangana azy Andriamanitra!" Ary voalaza...

³²⁶ Tamin'izany, ny American Air-...na, tsy ny American Airlines. Ny Tafik'i Etazonia no nandeha nitondra ahy tamin'ny fiaramanidina anankiray nankany, sy niverina, tao anatin'ny indray andro. Hitanareo?

³²⁷ Ary hoy aho hoe, "Alohan'ny hahatongavako, dia avelao aho hahita ny sitrapon'ny Tompo." Koa nivavaka aho, roa andro. Ary ilay dokotera dia tena nahafinaritra fa namela an'ilay zaza nandry teo.

³²⁸ Noho izany, indray maraina, nifoha aho ary nanomboka nandeha tao an-dakozia. Nijery aho; nitsangana teo, teo ambony, dia nisy Hazavana anankiray tahaka ny halehiben'io jiro eo io, nihodinkodina, nanao hoe, "Aza mikasika an'io. Aza miteny an'io. Ny tānan'ny Tompo io."

³²⁹ Niverina avy hatrany aho ary niantso an'ilay firenena, ary niantso ka nanao hoe, "Izaho—izaho tsy afaka ho tonga."

³³⁰ Ary hoy io mpitoriteny Loterana io hoe, "Nahoana ianareo no tsy miandry mandra-pahazonareo fanapahan-kevitra mazava avy amin'Andriamanitra, tahaka ny nataon'ny Rahalahy Branham, ary amin'izay fotoana izay dia fantatrareo izay resahanareo momba izany!"

³³¹ Ankehitriny, izany ilay izy, ry rahalahy, raha mba tsy hitsambikina fotsiny ao anatina fehin-kevitra mantsy isika; ka miandry, ary mahazo mazava anankiray, fanapahan-kevitra mazava avy amin'Andriamanitra.

³³² Ary izany rehetra izany, ireo fanasitranan'ireo mpanota izay tsy mahafantatra na inona na inona momba an'Andriamanitra. Izaho dia mino fa ny fanasitranana avy amin'Andriamanitra dia mifototra eo ambonin'ny fitsipika anankiray, izay tsy maintsy handehananareo eo amin'Andriamanitra, aloha, ary manome ny fonareo ho Azy, ary manasa ny fiainanareo ao amin'ny Ràn'i Jesosy Kristy, ary avy eo Andriamanitra no handeha hiasa miaraka aminareo ary hanasitranana anareo. Tahaka ny

nolazain'ity rahalahy ity mihitsy, mikasika an'ilay vehivavy kely izay nivavahany tany, masin'Andriamanitra anankiray, hitanareo.

³³³ Teo amin'ny fiainako, dia nanao fahadisoana maro aho. Nanao zavatra betsaka aho izay diso. Izaho angamba dia, raha mbola velona maharitra aho, dia mbola hanao betsaka aho. Angamba ny sasany amin'izy ireny dia ho vato manafintohina eo amin'ny lalanareo. Manantena aho fa mamela ahy ianareo.

³³⁴ Namaky ny amin'i Abrahama aho, ahoana ireo faharesena izay nahazo azy. Ahoana izy, oadray, ireo zavatra izay nataony; nisalasala tamin'Andriamanitra izy; ary nandainga izy mikasika ny vadiny; sy ny sisa. Saingy rehefa nosoratana ny fitantarana azy avy amin'Andriamanitra ao amin'ny Romana 4, tsy nilaza mihitsy an'ireo fahadisoany izany, fa voalaza hoe, "Tsy nihanahana mihitsy i Abrahama" ny amin'ny tsy finoana... tamin'ny alàlan'Andriamanitra, "fa nahery izy." Ny fahadisoany rehetra dia nohadinoina, rehefa nosoratana ny fitantarana avy amin'Andriamanitra ny amin'ny fiainany. Tsy mba voalaza akory aza ireo fahareseny. Ireo fahadisoany dia tsy voalaza.

³³⁵ Ary, ry rahalahy, manantena aho, fa rehefa vakiana ny fitantarako amin'izany Andro izany, fa Izy dia hamafa ny ahy, ihany koa, ary tsy hieritreritra azy ireny. Manantena aho fa ianareo, ihany koa. Andriamanitra hitahy anareo.

³³⁶ [Miresaka i Rahalahy Tommy Hicks, avy eo dia mivavaka. Midera ny Tompo ny fiangonana, avy eo dia mihira ny *Tiako Izzy*. Mifamihina ny rahalahy tsirairay, ary mifamihina ny anabavy tsirairay. Afaka valo minitra, dia niverina teo amin'ny fanamafisam-peo Rahalahy Branham—Mpand.]

³³⁷ Raha afaka mahita an'izao aho eran'izao tontolo izao, dia hilaza aho hoe, "Tompo, avelao ny Mpanomponao handeha amin'ny fiadanana!"



ILAY MAHA-ANDRIAMANITRA VOAZAVA MAG61-0425B
(The Godhead Explained)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Talata maraina, 25 Aprily, 1961, tao amin'ny Holiday Inn tao Chicago, Illinois, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2013 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org